


Ind L  
4710  
9.15


Ind L 4710.9.15

HARVARD COLLEGE  
LIBRARY



BOUGHT FROM THE  
AMEY RICHMOND SHELDON  
FUND





17.4.11/7.

A

# DISCOURSE

ON THE

SANSKRIT LANGUAGE AND LITERATURE

BY

ISWARA CHANDRA VIDYASAGARA.

---

THIRD EDITION.

---

संस्कृतभाषा ँ संस्कृतसाहित्यशास्त्रविषयक

प्रस्ताव

श्रीईश्वरचन्द्र विद्यासागर विरचित ।

---

तृतीय बार मुद्रित ।

---

CALCUTTA :

THE SANSKRIT PRESS.

1863.

Supplied by  
Poona Oriental Book House,  
330A, SADASHIV,  
POONA 2 (India)

Ind L 4710.9.15

✓ .P



MS/14.

## বিজ্ঞাপন।

— ৭ —

এই প্রস্তাব প্রথমতঃ কলিকাতাস্থ বীটন সোসাইটি নামক সমাজে পঠিত হইয়াছিল। অনেকে এই প্রস্তাব মুদ্রিত করিবার নিমিত্ত সবিশেষ অনুরোধ করাতে, আমি, তৎকালীন সভাপতি মহামতি শ্রীযুত ডাক্তর মোয়েট মহোদয়ের অনুমতি লইয়া, দুই শত পুস্তক মুদ্রিত করিয়া বিতরণ করি।

যে প্রস্তাব যে সমাজে পঠিত হয়, সেই প্রস্তাব সেই সমাজের স্বত্বাঙ্গীভূত হইয়া থাকে, এজন্য আমি উক্ত ডাক্তর মহোদয়ের নিকট প্রস্তাবের অধিকার ক্রয় করিবার প্রস্তাব করিয়াছিলাম। কিন্তু তিনি অনুগ্রহপ্রদর্শনপূর্বক আমাকে বিনা মূল্যে সেই অধিকার প্রদান করেন। তদনুসারে আমি এই প্রস্তাব পুনরায় মুদ্রিত ও প্রচারিত করিলাম।

আমি বিলক্ষণ অবগত আছি যে এই গুরুতর প্রস্তাব বেক্রপ সঙ্কলিত হওয়া উচিত ও আবশ্যক কোন ক্রমেই সেক্রপ হয় নাই। বস্তুতঃ, এই প্রস্তাবে বহুবিষ্মত সংস্কৃত সাহিত্যশাস্ত্রের অন্তর্গত কতিপয় সুপ্রসিদ্ধ গ্রন্থের নামোল্লেখ মাত্র হইয়াছে, তদুদ্দেশ্যেও প্রকৃত প্রস্তাবে দোষ গুণ বিচার করা হয় নাই। তন্নিম্ন, কত শত গ্রন্থের নামও উল্লিখিত হয় নাই। বীটন সোসাইটিতে এক ঘণ্টামাত্র সময় প্রস্তাব পাঠের নিমিত্ত নিরূপিত আছে; সেই সময়ের মধ্যে যাহাতে পাঠ সম্পন্ন হয়, তদ্বিষয়েই অধিক দৃষ্টি রাখিয়া, এরূপ সংক্ষিপ্ত প্রণালী অবলম্বন করিতে হইয়াছিল।

এক্ষণে, এরূপ অসম্যক্ সকলিত প্রস্তাব পুনর্মুদ্রিত করিবার তাৎপর্য এই যে, আমার কতিপয় আত্মীয় ভূয়োভূয়ঃ কহিয়াছিলেন যে এই প্রস্তাব পাঠ করিলে সংস্কৃতকালেজের ছাত্রদিগের উপকার দর্শিতে পারে, অতএব ইহা পুনর্মুদ্রিত করা আবশ্যক; তদ্ব্যতিরিক্ত, অন্যান্য লোকেও এই প্রস্তাব পাঠ করিবার নিমিত্ত উৎসুক্য প্রকাশ করিয়াছিলেন; তৎপ্রযুক্ত, আমি মানসকরিয়াছিলাম, সংস্কৃত ভাষা ও সংস্কৃত সাহিত্যশাস্ত্র বিষয়ে প্রকৃত প্রস্তাবে এক প্রস্তাব রচনা করিয়া মুদ্রিত ও প্রচারিত করিব। কিন্তু, নিতান্ত অনবকাশপ্রযুক্ত, এপর্যন্ত আমি সে মানস পূর্ব করিতে পারি নাই; এবং কিছুকালও যে সম্যক্ রূপে তৎসকলনের উপযুক্ত অবকাশ পাইব, তাহারও সম্ভাবনা নাই; এজন্য আপাততঃ এই প্রস্তাব বথাবৎ মুদ্রিত ও প্রচারিত হইল।

শ্রীঈশ্বরচন্দ্র শর্মা।

কলিকাতা, সংস্কৃতকালেজ।

১৪ই চৈত্র, সংবৎ ১৯১৩।



## সংস্কৃতভাষা ও সংস্কৃতসাহিত্যশাস্ত্র ।

### সংস্কৃতভাষা ।

সংস্কৃত অতি প্রাচীন ও অতি উৎকৃষ্ট ভাষা । এই অপূৰ্ণ ভাষায় ভূরি ভূরি শব্দ, ভূরি ভূরি ধাতু, ভূরি ভূরি বিভক্তি ও ভূরি ভূরি প্রত্যয় আছে, এবং এক এক শব্দে ও এক এক ধাতুতে নানা প্রত্যয় ও নানা বিভক্তির যোগ করিয়া, ভূরি ভূরি নূতন শব্দ ও ভূরি ভূরি পদ সিদ্ধ করা যাইতে পারে । একপ অভিপ্রায়ই নাই যে এই ভাষাতে অতি সুন্দর রূপে ব্যক্ত করিতে পারা যায় না ; এবং একপ বিষয়ই নাই যে এই ভাষাতে সূচক রূপে সঙ্কলিত হইতে পারে না । অতি প্রাচীন কাল অবধি, অতি প্রধান প্রধান পণ্ডিতেরা, নানা বিষয়ে নানা গ্রন্থ রচনা করিয়া, এই ভাষাকে সম্যক্ মার্জিত ও অলঙ্কৃত করিয়া গিয়াছেন ।

সংস্কৃতভাষায় দুই পদ পরস্পর সন্নিহিত হইলে পূৰ্ণ, পর অথবা উভয় বৰ্ণই প্রায় রূপান্তর প্রাপ্ত হয় । যে প্রক্রিয়া দ্বারা এই রূপান্তরপ্রাপ্তি সিদ্ধ হয়, তাহাকে সন্ধি বলে । সন্ধিপ্রক্রিয়া দ্বারা ভাষার অশ্রাব্যতাপরী-  
হার ও সূশ্রাব্যতাসম্পাদন হইয়া থাকে । আর প্রক্রিয়া-

বিশেষ দ্বারা অনেক পদকে, একত্র যোগ করিয়া, এক পদ করা যায়। এই অনেক পদের একপদীকরণপ্রণালীকে সমাস বলে। সমাসপ্রক্রিয়া দ্বারা সংক্ষিপ্ততা ও সুশ্রাব্যতা সম্পন্ন হইয়া থাকে। কিন্তু ইহা অবশ্য স্বীকার করিতে হইবেক যে সমাসঘটিত বাক্য সকল অপেক্ষাকৃত দুর্বল, 'এবং আবৃত্তিমাত্র তত্ত্বদ্বাক্যের অর্থবোধ নির্বাহ হইয়া উঠে না। সমাসপ্রণালী অবলম্বন করিয়া ইচ্ছানু-রূপ দীর্ঘ পদ প্রস্তুত করা যাইতে পারে। প্রাচীন গ্রন্থ-কর্তারা তাদৃশ সমাসপ্রিয় ছিলেন না। কিন্তু নব্যেরা সচরা-চর অতি দীর্ঘ দীর্ঘ সমাস করিয়া থাকেন। কোন কোন উৎকৃষ্ট কাব্যগ্রন্থেও বিংশতি পদ পর্য্যন্তও একপদীকৃত দেখিতে পাওয়া যায়।

যাহা হউক, সংস্কৃতবৈয়াকরণেরা সন্ধি, সমাস, পদ-সাধন ও প্রকৃতিপ্রত্যয়যোগে হৃতন হৃতন শব্দ সঙ্কলন করিবার যে সমস্ত অভিনব পথ প্রস্তুত করিয়া গিয়াছেন, তদ্বারা সংস্কৃত এক অদ্বুত ভাষা হইয়া উঠিয়াছে। সংস্কৃতভাষায় কি সরল, কি বক্র, কি মধুর, কি কর্কশ, কি ললিত, কি উদ্ধত, সর্বপ্রকার রচনাই সমান সুন্দর রূপে সম্পন্ন হইয়া উঠে। সংস্কৃতরচনাতে একপ অসা-ধারণ কৌশল প্রদর্শিত হইতে পারে যে তদদর্শনে বিস্ময়া-পন্ন হইতে হয়।

সংস্কৃত রচনাতে শব্দঘটিত যে সকল কৌশল প্রদর্শিত হইতে পারে, তাহার কতিপয় উদাহরণ উদ্ধৃত হইতেছে।

ନିମ୍ନେ ସେ ଶ୍ଳୋକ ଉକ୍ତ ହେଲ, ଓହା କେବଳ ତ ଏବଂ ର ଏହି  
ଛୁଇ ବାଞ୍ଛନବର୍ଣ୍ଣେ ରଚିତ ।

ଭୂରିଭିର୍ଭାରିଭିର୍ଭୌରୈର୍ଭୂଭାରୈରଭିରେଭିରେ ।

ଭେରୀରେଭିଭିରଭାଭୈରଭୌରଭିରିଭୈରିଭାଃ ॥

ଶିଶୁପାଳବଧ ।

ନିମ୍ନଲିଖିତ ଶ୍ଳୋକ କେବଳ ନ ଏହି ଏକମାତ୍ର ବାଞ୍ଛନବର୍ଣ୍ଣେ ରଚିତ ।

ଦାଦଦୋ ବୁଦ୍‌ବୁଦାଦୀ ଦାଦାଦୋ ବୁଦଦୀ ଦଦୋଃ ।

ବୁହାଦଂ ଦଦଦେ ବୁହେ ଦଦାଦଦ ଦଦୋଦଦଃ ॥

ଶିଶୁପାଳବଧ ।

ସମକ ରଚନାର ଚାତୁର୍ଯ୍ୟ ଶ୍ରବଣାର୍ଥେ ନିମ୍ନଲିଖିତ କয়েକ  
ଶ୍ଳୋକ ଉକ୍ତ ହେଲ ।

ନବ ପଳାଶ ପଳାଶ ବନଂ ପୁରଃ

ଫୁଟ ପରାଗ ପରାଗ ତପଞ୍ଜୟମ୍ ।

ଋଦୁ ଲତାନ୍ତ ଲତାନ୍ତ ମଲୋକୟତ୍

ସ ସୁରଭିଂ ସୁରଭିଂ ସୁମନୋଭରୈଃ ॥

ଶିଶୁପାଳବଧ ।

ନସମା ନସମା ନସମା ନସମା

ଗସମାପ ସମୀକ୍ଷ୍ୟ ବସନ୍ତନଭଃ ।

ଭ୍ରମଦ ଭ୍ରମଦ ଭ୍ରମଦ ଭ୍ରମଦ

ଭ୍ରମରଞ୍ଚଳତଃ ଧଳୁ କାମିଜନଃ ॥

ନଳୋଦୟ ।

ঘনং বিদার্য্যাজ্জুনবাণপূগং সসার বাণোঃসুগলীচনস্য ।

ঘনং বিদার্য্যাজ্জুনবাণপূগং সসার বাণোঃসুগলীচনস্য ॥

কিরাতার্জুনীয় ।

বমৌ মরুত্বান্ বিকৃতঃ সমুদ্রো

বমৌ মরুত্বান্ বিকৃতঃ সমুদ্রঃ ।

বমৌ মরুত্বান্ বিকৃতঃ সমুদ্রো

বমৌ মরুত্বান্ বিকৃতঃ সমুদ্রঃ ॥

ভট্টিকাব্য ।

নিম্নলিখিত দুই শ্লোক আদি হইতে আরম্ভ করিয়া পাঠ করিলে যেকণ হয়, অন্ত হইতে পাঠ করিলেও অবিকল সেইকণ হয় ।

বাহনাজনি মানাসে সারাজাবনমা ততঃ ।

মন্তসারগরাজেভে ভারীহাবজ্জনধ্বনি ॥

নিধ্বনজ্জবহারীভা ভেজে রাগরসান্তমঃ ।

ততমানবজারাশা সেনা মানিজনাহবা ॥

নিম্বপানবধ ।

নিম্নলিখিত শ্লোক নানা দিকে এক প্রকার পাঠ করা যায় ।

দে বা কা নি নি কা বা দে

বা হি কা স্ব স্ব কা হি বা ।

কা কা রে ভ ভ রে কা কা

নি স্ব ভ ব্য ব্য ভ স্ব নি ॥

কিরাতার্জুনীয় ।

संस्कृत भाषायां गरल, मधुर, मज्जित अलङ्कृति रचना  
किरूपेण हरेते पात्रे, तांशोरु उदाहरण प्रदर्शनार्थं, गद्य  
उ गद्य कश्चिदपि नृप उद्धृत हरेतेह ।

सखे पुण्डरीक नैतदनुरूपं भवतः ; सुदृजनक्षुण्ण एष  
मार्गः ; धैर्यधना हि साधवः । किं यः कश्चित् प्राकृत  
इव विह्वलीभवन्तमात्मानं न रक्षन्ति । कुतस्तवापूर्वोऽय-  
मदेन्द्रियोपपन्नः, येनास्येवं कृतः । क ते तद्वैर्यं, कासा-  
विन्द्रियजयः, क तद्विशिष्टं चेतसः, क सा प्रशान्तिः, क  
तत् कुलक्रमागतं ब्रह्मचर्यं, क सा सर्वविषयनिरस्तुता,  
क ते गुरूपदेशः, क तानि श्रुतानि, क ता वैराग्यबुद्धयः,  
क तदुपभोगविद्वेषित्वं, क सा सुखपराङ्मुखता, कासौ  
तपस्यभिनिवेशः, क सा संयमिता, क सा भोगानामुपर्य-  
रुचिः, क तत् यौवनानुशासनम् । सर्वथा निष्कला प्रज्ञा,  
निर्गुणो धर्माशास्त्राभ्यासः, निरर्थकः संस्कारः, निरुपका-  
रको गुरूपदेशविवेकः, निष्प्रयोजना प्रबुद्धता, निष्कारणं  
ज्ञानम् ; यदत्र भवाद्दृशा अपि रागाभिपद्भैः कलुषी-  
क्रियन्ते प्रमादैस्त्राभिभूयन्ते । कथं करतलाङ्गलितामपहृ-  
तामक्षमालामपि न लक्षयसि ; अहो विगतचेतनत्वम् ;  
अपहृता नामेयम् ; इदमपि तावदपह्नियमाणमनयाना-  
र्थया निवार्यतां हृदयमिति ।

कामधरी ।

इति परिसमापिताहारां, निर्वर्त्तितसन्ध्योचिताचारां, शिलातले विश्रब्धमुपविष्टां निभृतमुपसृत्य, नातिदूरे समुपविश्य, मुहूर्त्तमिव स्थित्वा चन्द्रापीडः सविनयमवादीत्, भगवति त्वत्प्रसादप्राप्तिप्रोत्साहितेन कुतूहलेनाकुलीक्रियमाणो मानुषतासुलभो लघिमा बलादनिच्छन्तमपि मां प्रश्नकर्मणि नियोजयति । जनयति हि प्रभुप्रसादलवोऽपि प्रागल्भ्यमधीरप्रकृतेः ; स्वल्पापेकदेशावस्थानकालकला परिचयमुत्पादयति ; अणुरपुत्रपचारपरिग्रहः प्रणयमारोपयति । तद्यदि नातिखेदकरमिव, ततः कथनेनात्मानमनुग्राह्यमिच्छामि ।

कान्तश्री ।

वनस्पतीनां सरसां नदीनां  
तेजस्विनां कान्तिभृतां दिशाञ्च ।  
निर्याय तस्याः स पुरः समन्तात्  
श्रियं दधानां शरदं ददर्श ॥  
निशातुषारैर्नयनाम्बुकल्पैः  
पत्नान्तपथ्यागलदच्छविन्दुः ।  
उपारुरोदेव नदत्पतङ्गः  
कुमुद्वतीं तीरतरुर्दिनादौ ॥  
वनानि तोयानि च नेत्रकल्पैः  
पुष्पैः सरोजैश्च निलीनभङ्गैः ।

परस्सरां विस्मयवन्ति लक्ष्मी-  
 मालोकयाश्चक्रुरिवादरेण ॥  
 दत्तावधानं मधुलेहिगीतौ  
 प्रशान्तचेष्टं हरिणं जिघांसुः ।  
 आकर्णयन्नुत्सुकहंसनादान्  
 लक्ष्ये समाधिं न दधे मृगावित् ॥  
 अदृक्षताम्भांसि नवोत्पलानि  
 रतानि चाश्रोषत घट्पदानाम् ।  
 आप्रापि वान् गन्धवहः सुगन्ध-  
 स्तेनारविन्दव्यतिषङ्गवांस्य ॥  
 लतानुपातं कुसुमान्यगृह्णात्  
 स नद्यवस्कन्दमुपास्पृशच्च ।  
 कुतूहलाच्चारुशिलोपवेशं  
 काकुत्स्थ ईषत् स्मयमान आस्त ॥  
 दिग्ब्यापिनीर्लोचनलोभनीया  
 मृजान्वयाः स्नेहमिव स्रवन्तीः ।  
 ऋज्वायताः शस्यविशेषपङ्क्ती-  
 सुतोष पश्यन् विलम्बान्तरालाः ॥  
 वियोगदुःखानुभवानभिज्ञैः  
 काले वृषांश्च विहितं ददङ्गिः ।  
 आहार्यशोभारहितैरमायै-

रैक्षिष्ट पुन्निः प्रक्षितान् स गोष्ठान् ॥  
 स्त्रीभूषणं चेष्टितमप्रगल्भं  
 चारुण्यवक्राण्यपि धीक्षितानि ।  
 ऋजूंश्च विश्वासहतः स्वभावान्  
 गोपाङ्गनानां मुमुदे विलोक्य ॥  
 सितारविन्दप्रचयेषु लीनाः  
 संसक्तफेनेषु च सैकतेषु ।  
 कुन्दावदाताः कलहंसमालाः  
 प्रतीयिरे श्रोत्रमुखैर्निनादैः ॥

भट्टिकाव्य ।

अथाङ्गरात्रे स्तिमितप्रदीपे  
 शय्यामृहे सुप्तजने प्रबुद्धः ।  
 कुशः प्रवासस्थकलत्रवेशा-  
 महृष्टपूर्वां वनितामपश्यत् ॥  
 सा साधुसाधारणपार्थिवर्द्धः  
 स्थित्वा पुरस्तात् पुरुहूतभासः ।  
 जेतुः परेषां जयशब्दपूर्वं  
 तस्याञ्जलिं बन्धुमतो बबन्ध ॥  
 अथानपोढाङ्गलमप्यगारं  
 ह्यायामिवादृशतलं प्रविष्टाम् ।



सविस्मयो दाशरथेस्तनूजः  
 प्रोवाच पूर्वाह्णविस्मृतल्पः ॥  
 लब्धान्तरा सावरणेऽपि गेहे  
 योगप्रभावो नच दृश्यते ते ।  
 त्रिभिर्धि चाकारमनिर्दृशानां  
 मृणालिनी हैममिवोपरागम् ॥  
 का त्वं शुभे कस्य परिग्रहो वा  
 किं वा मदभ्यागमकारणं ते ।  
 आचक्षु मत्वा वशिनां रघूणां  
 मनः परस्त्रीविमुखप्रवृत्ति ॥  
 तमब्रवीत् सा गुरुणानवद्या  
 या नीतप्रौरा स्वपदोन्मुखेन ।  
 तस्याः पुरः सम्प्रति वीतनाथां  
 जानीहि राजन्नधिदेवतां माम् ॥  
 वस्त्रौकसारामभिभूय साहं  
 सौराज्यबद्धोत्सवया विभूत्या ।  
 समग्रशक्तौ त्वयि सूर्यवंशे  
 सति प्रपन्ना करुणामवस्थाम् ॥  
 विशीर्णतल्पादृशतो निवेशः  
 पर्यस्तशालः प्रभुणा विना मे ।

विदुष्यत्यस्तनिमग्नसूर्यं  
 दिगान्तमुग्रानिलभिन्नमेघम् ॥  
 निशासु भास्वत्कलनपुराणां  
 यः सञ्चरोऽभूद्भिसारिकाणाम् ।  
 नदन्मुखोल्काविचितामिषाभिः  
 स वाह्यते राजपथः शिवाभिः ॥  
 आस्फालितं यत् प्रमदाकराग्रै-  
 रदङ्गधीरध्वनिमन्वगच्छत् ।  
 वन्यैरिदानीं महिषैस्तदम्भः  
 शृङ्गाहतं क्रोशति दीर्घिकाणाम् ॥  
 वृक्षे गया यष्टिनिवासभङ्गात्  
 मृदङ्गशब्दापगमादलास्याः ।  
 प्राप्ता दबोल्काहतशेषवर्हाः  
 क्रीडामयूरा वनवर्हिणत्वम् ॥  
 सोपानमार्गेषु च येषु रामा  
 निचिप्तवत्स्वरणान् सरागान् ।  
 सद्यो हतव्यङ्गुभिरस्रदिग्धं  
 व्याघ्रैः पदं तेषु निधीयते मे ॥  
 चित्ताद्विपाः प्रक्षुब्धनावतीर्णाः  
 करेणुभिर्दत्तमृणालभङ्गाः ।

नखाङ्कुशाघातविभिन्नकुम्भाः  
 संरब्धसिंहप्रहृतं वहन्ति ॥  
 कालान्तरस्थामसुधेषु नक्त-  
 मितस्ततीरुदृढणाङ्कुरेषु ।  
 त एव मुक्तागुणशुद्धयोऽपि  
 हर्म्येषु मूर्च्छन्ति न चन्द्रपादाः ॥  
 आवर्ज्य शाखाः सद्यश्च यासां  
 पुष्पाण्युपात्तानि विलासिनीभिः ।  
 यन्यैः पुलिन्दैरिव वानरैस्ताः  
 क्लिश्यन्त उद्यानलाता मदीयाः ॥  
 रात्रावनाविष्कृतदीपभासः  
 कान्तामुखश्रीवियुता दिवापि ।  
 तिरस्क्रियन्ते क्लमितान्तुजालै-  
 र्विच्छिन्नधूमप्रसरा गवाक्षाः ॥  
 बलिक्रियावर्जितसैकतानि  
 स्नानीयसंसर्गमनाप्रवन्ति ।  
 उपान्तवानीरगृहाणि हृष्टा  
 शून्यानि दूये सरयूजलानि ॥  
 तदर्हसीमां वसतिं विसृज्य  
 मामभ्युपेतुं कुलराजधानीम् ।

हित्वा तनुं कारणमानुषीं तां  
 यथा गुरुखे परमात्ममूर्तिम् ॥  
 तथेति तस्याः प्रणयं प्रतीतः  
 प्रत्यग्रहीत् प्राग्रहरो रघूणाम् ।  
 पूरयामिव्यक्तमखप्रसादा  
 शरीरबन्धेन तिरोबभूव ॥

रघूवक्षम् ।

मुकुमारमहो लघीयसां हृदयं तद्गतमप्रियं यतः ।  
 सहसैव समुद्गिरन्त्यमी क्षपयन्त्येव हि तन्मनीषिणः ॥  
 उपकारपरः स्वभावतः सततं सर्वजनस्य सज्जनः ।  
 असतामनिशं तथाप्यहो गुरुहृद्रोगकरी तदुन्नतिः ॥  
 परितप्यत एव नोत्तमः परितप्तोऽप्यपरः सुसंरुतिः ।  
 परदृष्टिभिराहितव्यथः स्फुटनिर्भिन्नदुराशयोऽधमः ॥  
 अनिराकृततापसम्पदं फलहीनां सुमनोभिरुज्जिताम् ।  
 खलतां खलतामिवासतीं प्रतिपद्येत कथं बधो जनः ॥  
 प्रतिवाचमदत्त केशवः शपमानाय न चेदिभूभुजे ।  
 अनुहं कुरुते घनध्वनिं नहि गोमायूरतानि केशरी ॥  
 जितरोषरया महाधियः सपदि क्रोधजितो लघुर्जनः ।  
 विलितेन जितस्य दुर्मतेर्मतिमद्भिः सह का विरोधिता  
 वचनैरसतां महीयसो न खलु व्येति गुरुत्वमुद्धतैः ।

কিমপ্যৈতি রজোমিরৌর্বরৈরবকীর্ণস্য মধোমহাধ্বতা ॥  
 পরিতোষযিতা ন কস্মিন স্বগতো यस্য গুণোঽস্মি দেহিনঃ ।  
 পরদোষকথাভিরল্যকঃ স্বজনং তোষয়িতুং কিলেচ্ছতি ॥  
 সহজানুহমঃ সধুনবে পরদোষেচ্ছদিত্যবলুপঃ ।  
 স্বগুণোজ্জগিরো মুনিব্রতাঃ পরবর্ণগ্রহণেঽস্বাধবঃ ॥  
 কিমিবাখিললোককীর্তিতং কথয়ত্যাভ্যগুণং মহামনাঃ ।  
 বদিতা ন লঘীযমোঽপরঃ স্বগুণং তেন বদত্যসৌ স্বয়ম্ ॥  
 শিশুপালবধ ।

সংস্কৃতভাষা এক্ষণে আর কথোপকথনে ও লৌকিক ব্যবহারে প্রচলিত নহে। ভারতবর্ষীয় পণ্ডিতেরা কহিয়া থাকেন, সংস্কৃত দেবভাষা। ভারতবর্ষীয়েরা আদিকালাবধি ঐ দেবভাষায় কথোপকথন ও লৌকিক ব্যবহার নির্বাহ করিতেন; তদনুসারে, সংস্কৃত ভারতবর্ষীয় আদিম নিবাসী লোকদিগের ভাষা হয়। কিন্তু ইয়ুরোপীয় পণ্ডিতেরা শব্দবিদ্যানুশীলনপ্রভাবে নিকপণ করিয়াছেন, সংস্কৃত ভারতবর্ষের আদিম নিবাসী লোকদিগের ভাষা নহে; সংস্কৃতভাষী লোকেরা, পৃথিবীর অন্য কোন প্রদেশ হইতে আসিয়া, ভারতবর্ষে আবাস গ্রহণ করিয়াছেন। সেই প্রদেশ ইরান। তাঁহাদিগের গবেষণা দ্বারা নির্দ্ধারিত হইয়াছে, অতি পূর্বকালে, ইরানের আদিম নিবাসী লোকেরা সময়ে সময়ে ভারতবর্ষ, গ্রীস, ইটালি, জার্মানি প্রভৃতি প্রদেশে বাস করিয়াছেন। ইঁহারা ইরানে অবস্থানকালে

একজাতি ও একভাষাভাষী ছিলেন। ঐ একজাতি, ভিন্ন ভিন্ন প্রদেশে অবস্থিত হইয়া, হিন্দু, গ্রীক, রোমক, জার্মান প্রভৃতি ভিন্ন ভিন্ন জাতি হইয়াছেন; এবং ঐ এক ভাষাই ক্রমে ক্রমে রূপান্তর প্রাপ্ত হইয়া, ভারতবর্ষে সংস্কৃত, গ্রীসে গ্রীক, ইটালিতে লাতিন, জার্মানিতে জার্মান প্রভৃতি ভিন্ন ভিন্ন ভাষা হইয়া উঠিয়াছে। কালক্রমে বিভিন্ন প্রদেশে এই সকল ভাষা এরূপ রূপান্তর প্রাপ্ত হইয়াছে যে উহা-দিগের পরস্পর কোন সম্বন্ধ আছে, ইহা আপাততঃ প্রতীয়মান হয় না। কিন্তু এই সমস্ত যে এক মূল ভাষার পরিণাম-বিশেষমাত্র, এ বিষয়ে সংশয় হইবার বিষয় নাই। ইয়ুরোপীয় পণ্ডিতেরা এ বিষয়ে যে সমস্ত প্রমাণ প্রয়োগ প্রদর্শন করিয়াছেন, সংক্ষেপে সে সকলের উল্লেখ করিলে হৃদয়ঙ্গম হওয়া কঠিন। বিশেষতঃ, বাঙ্গালা ভাষার অদ্যাপি একপ জীবন্তি হয় নাই যে ঐ সমস্ত বিষয় ইহাতে সংক্ষেপে ও সূচাক্রমে ব্যক্ত করা যাইতে পারে; এই নিমিত্ত ফলিতার্থ মাত্র উল্লিখিত হইল।

### সাহিত্যশাস্ত্র।

সংস্কৃত আলঙ্কারিকেরা সাহিত্যশাস্ত্রকে দুই প্রধান ভাগে বিভক্ত করেন, শ্রব্যাকাব্য ও দৃশ্যাকাব্য। তাঁহারা এই উভয় বিভাগের মধ্যেই সমুদায় সাহিত্যশাস্ত্র সমাবে-

শিত করিয়াছেন। অব্যাকাব্য ত্রিবিধ; পদ্যময়, গদ্যময়, গদ্যপদ্যময়। পদ্যময় কাব্যও ত্রিবিধ; মহাকাব্য, খণ্ডকাব্য, কোষকাব্য। গদ্যময় কাব্যকে আলংকারিকেরা কথ্য ও আখ্যায়িকা এই দুই ভাগে বিভক্ত করিয়া থাকেন। কিন্তু এই দুয়ের বৈলক্ষণ্য এমন সামান্য যে ইহাদিগের ভাগদ্বয়ে বিভাগ অনাবশ্যক ও অকিঞ্চিৎকর। গদ্যপদ্যময় কাব্যকে চম্পূ বলে। চম্পূ কাব্যের বিভাগ নাই।

### মহাকাব্য।

কোন দেবতার, অথবা সঙ্ঘংশজাত অশেষসঙ্গ-সম্পন্ন ক্ষত্রিয়ের, কিংবা একবংশোদ্ভব বহু ভূপতিদিগের বৃত্তান্ত লইয়া যে কাব্য রচিত হয়, তাহাকে মহাকাব্য বলে। মহাকাব্য নানা সর্গে অর্থাৎ পরিচ্ছেদে বিভক্ত। সর্গসংখ্যা অষ্টাধিক না হইলে, তাহাকে মহাকাব্য বলে না। সংস্কৃতভাষায় ষত মহাকাব্য আছে, তাহাতে দ্বাবিংশতির অধিক সর্গ দেখিতে পাওয়া যায় না। কোন মহাকাব্য আদ্যোপান্ত এক ছন্দে রচিত নহে; এক এক সর্গ এক এক ভিন্ন ভিন্ন ছন্দে রচিত। সর্গের অবসানে এক, দুই, অথবা তদধিক অন্য অন্য ছন্দের শ্লোক থাকে। সকল সর্গই যে এক এক ভিন্ন ভিন্ন ছন্দে রচিত এমন নহে। মহাকাব্যে দুই, তিন, চারি, পাঁচ সর্গও এক ছন্দে রচিত

দেখিতে পাওয়া যায়। কোন কোন সর্গ নানা ছন্দে ও রচিত হইয়া থাকে। সর্গ সকল অতি সংক্ষিপ্ত অথবা অতি বিস্তৃত নহে। সর্গের শেষে পর সর্গের বৃত্তান্তসূচনা থাকে। মহাকাব্য সকল আদিরস অথবা বীররস প্রধান, মধ্যে মধ্যে অন্যান্য রসেরও প্রসঙ্গ থাকে। কবি, কিংবা বর্ণনীয় বিষয়, অথবা নায়কের নামানুসারে মহাকাব্যের নামনির্দেশ হয়।

### রঘুবংশ।

সংস্কৃতভাষায় ষত মহাকাব্য আছে, কালিদাসপ্রণীত রঘুবংশ তৎ সর্ক্সাপেক্ষা সর্ক্সাংশে উৎকৃষ্ট। কালিদাস কৌদৃশকবিত্ত্বশক্তিসম্পন্ন ছিলেন, বর্ণনা করিয়া অন্যের হৃদয়ঙ্গম করা চুঃসাধ্য। যাঁহারা কাব্যের যথার্থরূপ রসান্বাদে অধিকারী, সেই সহৃদয় মহাশয়েরাই বুঝিতে পারেন, কালিদাস কিরূপ কবিত্ত্বশক্তি লইয়া ভূমণ্ডলে অবতীর্ণ হইয়াছিলেন। তিনি সর্ক্সোৎকৃষ্ট মহাকাব্য, সর্ক্সোৎকৃষ্ট ঋগুকাব্য, সর্ক্সোৎকৃষ্ট নাটক লিখিয়া গিয়াছেন। বোধ হয়, কোন দেশের কোন কবি, আমাদিগের কালিদাসের ন্যায়, সকল বিষয়ে সমান সৌভাগ্যশালী ও ক্ষমতাপন্ন ছিলেন না।

তিনি যে অলৌকিক কবিত্ত্বশক্তি পাইয়াছিলেন, য-



রচিত কাব্যসমূহে সেই শক্তি সম্পূর্ণরূপে প্রদর্শিত করিয়া গিয়াছেন। তাঁহার বর্ণনা সকল পাঠ করিয়া চমৎকৃত ও মোহিত হইতে হয়; তাহাতে অত্যাতিরিক্ত সংস্রবমাত্র দেখিতে পাওয়া যায় না; আদ্যোপান্ত স্বভাবোক্তি অলঙ্কারে অলঙ্কৃত। বস্তুতঃ, এবংবিধ সম্পূর্ণরূপ স্বভাবানুযায়িনী ও একান্তহৃদয়গ্রাহিণী বর্ণনা সংস্কৃতভাষায় আর দেখিতে পাওয়া যায় না। কালিদাসের উপমা অতি মনোহর; বোধ হয়, কোন দেশের কোন কবি উপমা বিষয়ে কালিদাসের সদৃশ নহেন। তিনি একপ সঙ্কেপে, ও একপ লোকসিদ্ধ বিষয় লইয়া, উপমা সঙ্কলন করেন যে পাঠকমাত্রেরই অনায়াসে ও আবৃত্তিমাত্র উপমান ও উপমেয়ের সৌসাদৃশ্য হৃদয়ঙ্গম হয়। তাঁহার রচনা সংস্কৃত রচনার আদর্শ স্বরূপ হইয়া রহিয়াছে। যাঁহারা তাঁহার পূর্বে সংস্কৃত রচনা করিয়া গিয়াছেন, কিংবা যাঁহারা তাঁহার উত্তরকালে সংস্কৃত রচনা করিয়াছেন, কি কবি, কি অন্যান্য গ্রন্থকার, কাহারই রচনা তাঁহার রচনার ন্যায় চমৎকারিণী ও মনোহারিণী নহে। তাঁহার রচনা সরল, মধুর ও ললিত। তিনি একটিও অনাবশ্যক অথবা পরিবর্তসহ শব্দ প্রয়োগ করেন নাই। কালিদাসের গ্রন্থ পাঠ করিলে ইহা স্পষ্ট প্রতীয়মান হয় যে ঐ সমস্ত তাঁহার লেখনীর মুখ হইতে অক্লেশে ও অনর্গল নির্গত হইয়াছে, রচনা বা ভাবসঙ্কলনের নিমিত্ত। তাঁহাকে এক মুহূর্তও চিন্তা করিতে হয় নাই। বস্তুতঃ, একপ রচনা ও একপ কবিত্ব-

শক্তি এই উভয়ের একত্র সংঘটন অতি বিরল। এই নিমিত্তই কালিদাসপ্রণীত কাব্যের এত আদর ও এত গৌরব। এই নিমিত্তই ভারতবর্ষীয় লোকেরা কালিদাসকে সরস্বতীর বরপুত্র বলিয়া নির্দেশ করিয়া থাকেন; এই নিমিত্তই প্রসঙ্গ-রাঘবকর্তা জয়দেব, স্বীয় নাটকের প্রস্তাবনাতে, কালিদাসকে কবিকুলগুরু বলিয়া নির্দেশ করিয়াছেন; এবং এই নিমিত্তই, কি স্বদেশে কি বিদেশে, কালিদাসের নাম অদ্যাপি দেদীপ্যমান রহিয়াছে।

কালিদাস, এইরূপ অলৌকিক কবিত্বশক্তি ও এইরূপ অদ্বিতীয় রচনাশক্তি সম্পন্ন হইয়াও, একপ অভিমানশূন্য ছিলেন এবং আপনাকে একপ সামান্য জ্ঞান করিতেন যে শুনিলে বিশ্বরাপন্ন হইতে হয়। তিনি রঘুবংশের প্রারম্ভে লিখিয়াছেন

মন্দঃ কবিরহঃসার্থী গমিস্বামুদ্রদহাস্ততান্।

সাম্যুলভ্যে ফলে মোহাদ্রুহাস্তরিষ বামনঃ ॥ ১ ॥ ২ ॥

যেমন বামন উন্নতপুরুষপ্রাপ্য কলপ্রহণাতিথে বাহুপ্রসারণ করিয়া উপহাসাস্পদ হয়, সেইরূপ, অক্ষম আমি, কবিকীর্তিলাভে অভিলাষী হইয়াছি, উপহাসাস্পদ হইব।

কালিদাস, অদ্বিতীয় বিদ্যাংশাহী গুণগ্রাহী বিখ্যাত-নামা বিক্রমাদিত্যের সভার, নবরত্নের অন্তর্কর্তী ছিলেন; স্বতরাং ঊনবিংশতি শত বৎসর পূর্বে প্রাদুর্ভূত হইয়া ছিলেন।

কালিদাসের যে সমস্ত গুণ বর্ণিত হইল, প্রায় তৎ-  
 প্রণীত ষাটতীয় কাব্যেই সেই সমুদায় স্পষ্ট লক্ষিত হয়।  
 রঘুবংশে সূর্য্যবংশীয় নরপতিগণের চরিত্র বর্ণিত হই-  
 রাচ্ছে। এই মহাকাব্য ঊনবিংশতি সর্গে বিভক্ত। প্রথম  
 আট সর্গে দিলীপ, রঘু, অজ্ঞ এই তিন রাজার বর্ণন আছে।  
 নরম অবধি পঞ্চদশ পর্য্যন্ত সাত সর্গে দশরথ ও রামের  
 চরিত্র বর্ণিত হইয়াছে। অবশিষ্ট চারি সর্গে, কুশ অবধি  
 অগ্নিবর্ণ পর্য্যন্ত, রামের উত্তরাধিকারীদিগের বৃত্তান্ত সঙ্ক-  
 লিত আছে। রঘুবংশের আদি অবধি অন্ত পর্য্যন্ত  
 সর্গাংশই সর্গানুসন্দর। যে অংশ পাঠ করা যায়, সেই  
 অংশেই অধিতীয় কবি কালিদাসের অলৌকিক কবিত্ব-  
 শক্তির সম্পূর্ণ লক্ষণ স্পষ্ট লক্ষিত হয়। কিন্তু এতদ্দেশ-  
 শীয় সংস্কৃতব্যবসায়ীরা এমনই সহৃদয় ও এমনই রসজ্ঞ  
 যে সংস্কৃতভাষার সর্বপ্রধান মহাকাব্য রঘুবংশকে অতি  
 সামান্য কাব্য জ্ঞান করিয়া থাকেন।

### কুমারসম্ভব।

কালিদাসের দ্বিতীয় মহাকাব্য কুমারসম্ভব। কুমার-  
 সম্ভব অনেক অংশে রঘুবংশের তুল্য। এই মহাকাব্যের  
 মূল বৃত্তান্ত এই; তারকনামে এক মহাবল পরাক্রান্ত অতি-  
 দুর্দান্ত অশ্বর, ব্রহ্মদত্তবরপ্রভাবে অত্যন্ত গর্জিত ও দুর্জয়

হইয়া, দেবতাদিগকে স্ব স্ব অধিকার হইতে চ্যুত করিয়া, স্বয়ং স্বর্গরাজ্য অধিকার করে। দেবতারা দুর্দশাগ্রস্ত হইয়া ব্রহ্মার শরণাপন্ন হইলে, তিনি তাঁহাদিগকে এই বলিয়া আশ্বাস প্রদান করেন যে পার্শ্বতীর গর্ভে শিবের যে পুত্র জন্মিবেন, তিনি তোমাদিগের সেনাপতি হইয়া, তারকাসুরের প্রাণ সংহার করিয়া, তোমাদিগকে পুনর্বার স্ব স্ব অধিকার প্রদান করিবেন। তদনুসারে, দেবতারা উদ্বেগী হইয়া হর গৌরীর পরিণয় সম্পাদন করিলে, কাক্তিকের জন্ম হয়। অনন্তর, তিনি, দেবসৈন্য সমভিব্যাহারে সমরসাগরে অবতীর্ণ হইয়া, দুর্দান্ত তারকাসুরের প্রাণসংহারপূর্বক, দেবতাদিগকে আপন আপন অধিকারে পুনঃ স্থাপিত করেন। এই বৃত্তান্ত সূচক রূপে কুমারসম্ভবে সবিস্তর বর্ণিত হইয়াছে।

কুমারসম্ভব সপ্তদশ সর্গে বিভক্ত। তন্মধ্যে প্রথম সাত সর্গেরই সর্বত্র অনুশীলন আছে; অবশিষ্ট দশ সর্গ একবারে অপ্রচলিত ও বিদ্যুৎপ্রায় হইয়া আসিয়াছে— এমন অপ্রচলিত যে ঐ দশ সর্গ অদ্যাপি বিদ্যমান আছে বলিয়া অনেকেই অবগত নহেন। এই দশ সর্গ, কালিদাসের অলৌকিক কবিত্বশক্তির সম্পূর্ণ লক্ষণাক্রান্ত হইয়াও, যে একরূপ অপ্রচলিত ও অপরিজ্ঞাত হইয়া আছে তাহার হেতু এই বোধ হয়, অষ্টম সর্গে হর গৌরীর বিহার বর্ণনা আছে, তাহাও অত্যন্ত অশ্লীল এবং সামান্য নায়ক নায়িকার বিহারের ন্যায় বর্ণিত হইয়াছে। নবমে

হর গোঁরীর কৈলাসগমন এবং দশমে কার্ত্তিকেয়ের জন্ম-বৃত্তান্ত বর্ণিত আছে। এই দুই সর্গেও হরগোঁরীঘটিত অনেক অশ্লীল বর্ণনা দেখিতে পাওয়া যায়। ভারতবর্ষীয় লোকেরা হর গোঁরীকে জগৎপিতা ও জগন্মাতা জ্ঞান করেন। জগৎপিতা ও জগন্মাতা সংক্রান্ত অশ্লীল বর্ণনা পাঠ করা একান্ত অনুচিত বিবেচনা করিয়া, লোকে কুমার-সম্ভবের শেষ দশ সর্গের অনুশীলন রহিত করিয়াছে। আলঙ্কারিকেরাও কুমারসম্ভবের হরগোঁরীবিহারবর্ণনাকে অত্যন্ত অনুচিত ও অত্যন্ত দুষ্য বলিয়া নির্দেশ করিয়াছেন। একাদশ অবধি সপ্তদশ পর্য্যন্ত সাত সর্গে কার্ত্তিকেয়ের বাল্যলীলা, সৈন্যপত্যাগ্রহণ, তারকাসুরের সহিত সংগ্রাম ও সেই সংগ্রামে তারকাসুরের নিপাত, এই সমস্ত বৃত্তান্ত সবিস্তর বর্ণিত হইয়াছে। এই সাত সর্গে অশ্লীল বর্ণনার লেশমাত্র নাই। কিন্তু অষ্টম, নবম, দশম, এই তিন সর্গের দোষে, ইহারাও একবারে বিলুপ্তপ্রায় হইয়া আছে।

একপ কিংবদন্তী আছে, এক কুস্তকার কালিদাসের পরম মিত্র ছিলেন। কালিদাস, কুমারসম্ভব রচনা করিয়া, ঐ কুস্তকার মিত্রকে দেখাইতে লইয়া যান। কুস্তকার পাঠ করিয়া সম্মুখবর্তী একখান কাঁচা সরার উপর রাখিয়া দেন। তাহাতে কালিদাস বোধ করিলেন, এই গ্রন্থ কাঁচা হইয়াছে, এবং সেই নিমিত্ত তিনি তৎক্ষণাৎ ঐ পুস্তক হস্তে লইয়া খণ্ড খণ্ড করিয়া ছিঁড়িয়া ফেলিলেন। কুস্তকার

তদ্বাক্ষর্যে সাতিশয় সঙ্কুচিত হইলেন এবং অশেষ প্রয়াসে প্রথম সাত সর্গ মাত্র সঙ্কলন করিতে পারিলেন; অবশিষ্ট দশ সর্গ বিলুপ্ত হইয়া গেল। এই অমূলক অকিঞ্চিংকর কিংবদন্তী অবলম্বন করিয়া, অনেকেই সিদ্ধান্ত করিয়া রাখিয়াছেন, কুমারসম্ভবের প্রথম সাত সর্গই বিদ্যমান আছে, অবশিষ্ট দশ সর্গ একবারে লোপ পাইয়াছে।

কুমারসম্ভবের যে শেষভাগের কথা উল্লিখিত হইল, ইহার পুস্তক বাঙ্গালা দেশে পাওয়া যায় না। বাঙ্গালা দেশে কুমারসম্ভবের অন্তবিধ এক শেষ ভাগ আছে। এই শেষ ভাগ পাঠ করিলে, ইহা স্পষ্ট প্রতীয়মান হয়, কুমারসম্ভবের শেষ ভাগ বিলুপ্ত হইয়াছে এই স্থির করিয়া, এতদ্দেশীয় কোন আধুনিক কবি ঐ অংশ রচনা করিয়া গিয়াছেন। উহা, পাঠ করিলে, কালিদাসের রচিত বলিয়া কোন ক্রমেই প্রতীতি জন্মিতে পারে না।

কুমারসম্ভবে যে বৃত্তান্ত বর্ণিত হইয়াছে, শিবপুরাণেও তাহা দেখিতে পাওয়া যায়। এই দুই গ্রন্থে, ইতিবৃত্তের বেকপ ঐক্য আছে. দুই এক শ্লোকেরও সেইরূপ ঐক্য দেখিতে পাওয়া যায় (১)। যদি শিবপুরাণকে বেদ-

(১) তদিক্ষামি বিনো স্তুং সিনান্য তস্য যান্বে।

কর্ম্মবক্ষ্যদ্বিৎ ঘর্ম্মং মবস্যেব লুমুজবঃ ॥

বমোটপি বিলিঙ্গনং ভূমিৎ দবজ্জিনাক্ষমিতবিদ্যা ॥

বিদবজ্জোটপি ববজ্জিনং স্ত্যং জেন্দ্ৰমসাম্মতম্ ॥

শিবপুরাণ, উত্তরখণ্ড, চতুর্দশ অধ্যায়

কুমারসম্ভব, দ্বিতীয় সর্গ।

ব্যাসবিরচিত, ও তদনুসারে কালিদাসের কুমারসম্ভব অপেক্ষা প্রাচীন, গ্রন্থ বলিয়া অঙ্গীকার করা যায়, তাহা হইলে, ইহাও অবশ্য স্বীকার করিতে হয়, কালিদাস শিবপুরাণের বৃত্তান্ত লইয়া কুমারসম্ভব রচনা করিয়াছেন, এবং মধ্যে মধ্যে, ঐ গ্রন্থের শ্লোক অবিকল উদ্ধৃত করিয়া আপন কাব্যে নিবিষ্ট করিয়াছেন। কিন্তু কালিদাস অলৌকিককবিত্বশক্তিসম্পন্ন হইয়া যে আপন কাব্যে অন্যদীয় শ্লোক অবিকল উদ্ধৃত করিবেন, ইহা কোন ক্রমেই সম্ভাবিত নহে। যে কয়েকটি শ্লোকে ঐক্য দৃষ্ট হইতেছে, কুমারসম্ভবের অথবা কালিদাসের অন্যান্য গ্রন্থের রচনার সহিত সেই সেই শ্লোকের রচনার সম্পূর্ণ মৌসাদৃশ্য দৃশ্যমান হইতেছে; কিন্তু শিবপুরাণের কোন অংশের রচনার সহিত কোন অংশেই উহাদের সাদৃশ্য দেখিতে পাওয়া যায় না। বিশেষতঃ, শিবপুরাণ কুমারসম্ভব অপেক্ষা প্রাচীন কি না এ বিষয়ে সম্পূর্ণ সংশয় আছে। যাবতীয় পুরাণ বেদব্যাসপ্রণীত বলিয়া প্রসিদ্ধ আছে। কিন্তু পুরাণ সকলের রচনাপ্রণালী পরস্পর এত বিভিন্ন, এবং এক বিষয় ভিন্ন ভিন্ন পুরাণে একপ বিভিন্ন প্রকারে সঙ্কলিত হইয়াছে, যে ঐ সমস্ত গ্রন্থ এক ব্যক্তির রচিত বলিয়া কোন ক্রমেই প্রতীতি হইতে পারে না। যাহাদের সংস্কৃত রচনার ইতর বিশেষ বিবেচনা করিবার শক্তি আছে, তাঁহারা নিরপেক্ষ হইয়া বিষ্ণুপুরাণ, ব্রহ্মবৈবর্তপুরাণ, ভাগবতপুরাণ প্রভৃতি পাঠ করিলে অনায়াসে বুঝিতে পারেন, এই সকল

গ্রন্থ এক লেখনীর মুখ হইতে বিনির্গত নহে। বাস্তবিক, পুরাণ সকল এক ব্যক্তিরও রচিত নয়, এক কালেও রচিত নয়। বোধ হয়, পুরাণনামপ্রসিদ্ধ গ্রন্থসমুদায়ের অধিকাংশই প্রাচীন নহে। সুতরাং শিবপুরাণ যে বিক্রমাদিত্যের সময়ের পূর্বের রচিত গ্রন্থ, এবং তাহা দেখিয়া কালিদাস কুমারসম্ভব লিখিয়াছেন, এবং তাহা হইতে অবিকল শ্লোক উদ্ধৃত করিয়া আপন কাব্যে নিবিষ্ট করিয়াছেন, পুরাণের উপর নিতান্ত ভক্তি না থাকিলে একপ বিশ্বাস হওয়া কঠিন : বরং বিপরীত পক্ষই বিলক্ষণ হৃদয়ঙ্গম হয়। যোগবাশিষ্ঠে ও কুমারসম্ভবেও শ্লোকের ঐক্য আছে (২)। কিন্তু যোগবাশিষ্ঠ যে আধুনিক গ্রন্থ, প্রাচীন ও ঋষিপ্রণীত নহে, এ বিষয়ে কোন সংশয় হইতে পারে না।

### কিরাতার্জুণীয় ।

রঘুবংশ ও কুমারসম্ভবের পর, সংস্কৃত মহাকাব্যের উল্লেখ করিতে হইলে, উৎকর্ষ ও প্রাথম্য অনুসারে, সর্বাগ্রে

- (২) আকায়মবা মরুস্তী ।  
মক্ষরী হৃদয়ৌষধিহুতা  
মথমা তৃষ্ণিবিদ্যাম্বজম্বয়ত্ ॥

যোগবাশিষ্ঠ, ভূটেলাসনিবাসী রাজশ্রীসত্যচরণ  
ঘোষাল বাহাদুরের মুদ্রিত পুস্তকের ১২৩ পৃষ্ঠা।  
কুমারসম্ভব, চতুর্থ সর্গ।



কিরাতার্জুণীয়েৱ নিৰ্দেশ কৰিতে হয়। এই মহাকাব্যেৱ  
 ৰচনা অতি প্ৰগাঢ়, কিন্তু কিঞ্চিৎ ছুৰুহ, কালিদাসেৱ ৰচ-  
 নাৱ ন্যাৱ সৱল নহে। ৰচনাপ্ৰণালী দৃষ্টে স্পষ্ট বোধ হয়,  
 কিৰাতার্জুণীয়কৰ্ত্তা ভাৱবি কালিদাসেৱ উত্তৰ কালে, এৰং  
 মাঘ, জীৰ্ঘষপ্ৰভৃতিৰ বহুকাল পূৰ্বে, প্ৰাদুৰ্ভূত হইয়াছিলেন।

কিরাতার্জুণীয়েৱ স্থল বৃত্তান্ত এই; যুধিষ্ঠিৰাদি পঞ্চ-  
 পাণ্ডব, ৰাজ্যাধিকাৰ হইতে নিষ্কাশিত হইয়া, ষ্ঠৈতবনে  
 বাস কৰেন। এক দিবস ব্যাসদেৱ আসিয়া তাঁহাদিগকে  
 কহেন, দৈব অনুগ্ৰহ ব্যতিৰেকে তোমাদিগেৱ নষ্ট ৰাজ্যেৱ  
 পুনৰুদ্ধাৰেৱ সম্ভাৱনা নাই; অতএৱ অৰ্জুণ হিমালয়ে  
 গিয়া ইন্দ্ৰেৱ আৰাধনা কৰুন। তদনুসাৰে অৰ্জুণ নিৰ্দিষ্ট  
 স্থানে গিয়া দেৱৰাজেৱ আৰাধনা আৰম্ভ কৰেন। দেৱৰাজ  
 তদীয় আৰাধনাৱ সম্বন্ধে হইয়া তাঁহাকে শিবেৱ আৰাধনা  
 কৰিতে পৰামৰ্শ দেন। অৰ্জুণ শিবেৱ আৰাধনা আৰম্ভ  
 কৰিলে, মূক নামে এক চুৰ্ক্ষন্ত দানৱ, বৰাহেৱ ৰূপ ধাৱণ  
 কৰিয়া, তাঁহাৰ প্ৰাণ সংহাৰ কৰিতে আইসে। সেই সময়ে  
 শিবও কিৰাতৰাজেৱ আকাৰ পৰিগ্ৰহ কৰিয়া অৰ্জুনেৱ  
 আশ্ৰমে উপস্থিত হন। অৰ্জুণ বৰাহৰূপী দানবেৱ  
 প্ৰাণদণ্ডাৰ্থে শৱাসনে শৱ সন্ধান কৰিয়াছেন, এমন সময়ে  
 কিৰাতৰাজ এক শৱ নিক্ষেপ কৰিয়া বৰাহেৱ প্ৰাণসংহাৰ  
 কৰিলেন। এই উপলক্ষে কিৰাতৰাজেৱ সহিত অৰ্জুনেৱ  
 সংগ্ৰাম উপস্থিত হইল। সেই সংগ্ৰামে অৰ্জুনেৱ অসি-  
 ধাৱণ বল বীৰ্য্য দৰ্শনে যংপৰোনাস্তি প্ৰীত ও প্ৰসন্ন হইয়া,

কিরাতকপী মহাদেব তাঁহাকে ধনুর্ক্ষেদ শিক্ষা করাইলেন। সেই শিক্ষার প্রভাবে অর্জুন অস্ত্রবিদ্যায় অদ্বিতীয় ও অপ্রতিহতপ্রভাব হইয়া উঠিলেন।

ভারবি কবিত্বশক্তি বিষয়ে কালিদাস অপেক্ষা হ্রাস বটেন; কিন্তু ভারতবর্ষের এক জন অতি প্রধান কবি ছিলেন তাহার কোন সংশয় নাই। কোন্ মহাদয় ব্যক্তি এই মহাকাব্যের প্রথম, দ্বিতীয়, তৃতীয়, চতুর্থ, ষষ্ঠ, একাদশ, দ্বাদশ, ত্রয়োদশ সর্গ পাঠ করিয়া সাতিশয় শ্রীত ও চমৎকৃত না হন এবং পদে পদে অসাধারণ কবিত্বশক্তির সম্পূর্ণ প্রমাণ না পান। কিরাতার্জুণীয় সপ্তদশ সর্গে বিভক্ত।

### শিশুপালবধ ।

কাব্যকর্তা মাঘনামা কবি স্বগ্রন্থের শেষে লিখিয়াছেন :

—মুকবিকীর্তির্নিবুধ্যম্বাদঃ  
কাব্যং অধন্য মঘ্যদালবধানিধানম্ ॥

মাঘ কবিত্বকীর্তি লাভের দুশ্রীশাশ্রিত হইয়া এই শিশুপালবধনামক কাব্য রচনা করিলেন।

মাঘ অতিপ্রধান কবি ছিলেন এবং তৎপ্রণীত শিশুপালবধ অতি প্রধান মহাকাব্য। এই মহাকাব্যের স্তূল বৃত্তান্ত এই; কৃষ্ণ, যুধিষ্ঠিরের রাজমুগ্ন বজ্রে নিমগ্নিত হইয়া, সপরিবারে ইন্দ্রপ্রস্থ প্রস্থান করেন। যিনি সর্বাংশে সর্ব-

শ্রেষ্ঠ হন, তিনিই যজ্ঞে অর্ঘ্য পাইয়া থাকেন। যুধিষ্ঠির, রাজ-  
সূয় সমাপ্ত হইলে, ভীষ্মের উপদেশানুসারে কৃষ্ণকে  
সর্বাংশে সর্বশ্রেষ্ঠ স্থির করিয়া অর্ঘ্য দান করেন। কৃষ্ণের  
পিতৃহৃৎপুত্র শিশুপাল তাঁহার অত্যন্ত বিদ্বেষী ছিলেন ;  
তিনি, কৃষ্ণের এইরূপ অসামান্য সম্মান দর্শনে অসুয়াপর-  
বশ হইয়া, ভীষ্মের বধোচিত তিরস্কার করিয়া, স্বপক্ষীয়  
নরপতিগণ সমভিব্যাহারে সভামণ্ডপ হইতে প্রস্থান করি-  
লেন এবং দূত দ্বারা কৃষ্ণের অনেক তিরস্কার করিয়া পাঠা-  
ইলেন। অনন্তর উভয় পক্ষে ঘোরতর সংগ্রাম উপস্থিত  
হইল, এবং সেই সংগ্রামেই কৃষ্ণ শিশুপালের প্রাণ সংহার  
করিলেন।

শিশুপালবধ কিরাতার্জুনীর প্রতিকূপ স্বরূপ। মাঘ  
কিরাতার্জুনীরকে আদর্শ স্বরূপ করিয়া, শিশুপালবধ রচনা  
করিয়াছেন, তাহার কোন সংশয় নাই। ভারবি যে প্রণা-  
লীতে কিরাতার্জুনীর রচনা করিয়াছেন, মাঘ শিশুপাল-  
বধরচনাকালে আদ্যোপান্ত সেই প্রণালী অবলম্বন করিয়াই  
চলিয়াছেন। কিরাতার্জুনীরে, মহর্ষি ব্যাস আসিয়া পাণ্ডব-  
দিগকে কর্তব্যের উপদেশ দিতেছেন ; শিশুপালবধে, দেবর্ষি  
নারদ আসিয়া কৃষ্ণকে কর্তব্য কর্মের অনুষ্ঠানে উদযুক্ত  
করিতেছেন। কিরাতার্জুনীরে, যুধিষ্ঠির, ভীম, দ্রৌপদী,  
এই তিন জনের রাজনীতিসংক্রান্ত বাদানুবাদ ; শিশুপাল-  
বধেও কৃষ্ণ, বলরাম ও উদ্ধবের সেইরূপ রাজনীতিসংক্রান্ত  
বাদানুবাদ। কিরাতার্জুনীরে, তপস্যার্থে অর্জুনের হিমা-

লয় পর্কতে অবস্থান ; শিশুপালবধেও, কৃষ্ণের ইন্দ্রপ্রস্থ  
 প্রস্থান কালে রৈবতক পর্কতে অবস্থান । কিরাতার্জুণীয়ে,  
 হিমালয় পর্কতের বহুবিস্তৃত বর্ণনা এবং বর্ণনাসংক্রান্ত  
 শ্লোক সকল অধিকাংশ যমকালঙ্কারযুক্ত ; শিশুপালবধেও,  
 রৈবতক পর্কতের অবিকল সেইরূপ বর্ণনা ও সেইরূপ যমকা-  
 লঙ্কৃত শ্লোক । কিরাতার্জুণীয়ে, সুরাজনাদিগের বনবিহার,  
 নারিকসমাগম, বিরহ, মান প্রভৃতির বর্ণনা আছে ; শিশু-  
 পালবধেও, অবিকল সেই সমস্ত বর্ণনা আছে । কিরাতা-  
 র্জুণীয়ে, কিরাতরাজ অর্জুনের উত্তেজনার্থে তাঁহার নিকট  
 দূত প্রেরণ করেন ; শিশুপালবধেও, শিশুপাল কৃষ্ণের তৎ-  
 সনার্থে তাঁহার নিকট দূত প্রেরণ করেন । অনন্তর উভয়  
 কাব্যেই উভয় পক্ষের সৈন্যসজ্জা, সৈন্যপ্রয়াণ ও সংগ্রাম বর্ণন  
 আছে । কিরাতার্জুণীয়ের পঞ্চদশ সর্গে যুদ্ধবর্ণন ও একা-  
 ন্কর, দ্ব্যন্কর, যমক প্রভৃতি শ্লোক অনেক ; শিশুপালবধেরও  
 ঊনবিংশ সর্গে যুদ্ধবর্ণন ও ঐকপ একান্কর, দ্ব্যন্কর, যমক  
 প্রভৃতি শ্লোক অনেক । কিরাতার্জুণীয়ে, প্রতিসর্গের  
 শেষ শ্লোকে সর্গসমাপ্তিসূচক লক্ষ্মীশব্দ প্রয়োগ আছে ;  
 শিশুপালবধেও, প্রতিসর্গের শেষ শ্লোকে সর্গসমাপ্তি-  
 সূচক ক্রীশব্দ প্রয়োগ আছে । কোন স্থলে ইহাও দেখিতে  
 পাওয়া যায়, শিশুপালবধে কিরাতার্জুণীয়ের ভাব অবিকল  
 ভিন্ন ছন্দে সঙ্কলিত হইয়াছে । ফলতঃ, অভিনিবেশ পূর্বক  
 উভয় কাব্য আদ্যস্ত পাঠ করিলে, ইহা বিলক্ষণ প্রতীয়মান  
 হয়, কিরাতার্জুণীর আদর্শ ও শিশুপালবধ তৎপ্রতিকপ ।

উভয় কাব্যের রচনা প্রণালী আলোচনা করিয়া দেখিলে, বিপরীত পক্ষ কোন ক্রমেই হৃদয়ঙ্গম হয় না। কিরাতা-জুঁনীয় যে শিশুপালবধ অপেক্ষা প্রাচীন গ্রন্থ, ইহাতে সংশয় হইবার বিষয় নাই।

মাঘ অতি অদ্ভুত কবিত্বশক্তি ও অতি অদ্ভুত বর্ণনাশক্তি পাইয়াছিলেন। যদি তাঁহার, কালিদাস ও ভারবির ন্যায়, সহৃদয়তা থাকিত, তাহা হইলে তদীয় শিশুপালবধ সংস্কৃত-ভাষায় সৰ্ব্বপ্রধান মহাকাব্য হইত, সন্দেহ নাই। তিনি সকল বিষয়েরই বহুবিস্তৃত বর্ণনা করিয়াছেন। বর্ণনা সকল আরম্ভে একান্ত মনোহর, কিন্তু অবসানে নিতান্ত নীরস। মাঘ অধিক বর্ণনা এত অধিক ভাল বাসিতেন, যে শেষাংশ নিতান্ত অশক্তিকৃত হইতেছে দেখিয়াও, ক্ষান্ত হইতে পারিতেন না। কখন কখন ইহাও দেখিতে পাওয়া যায়, একটি শ্লিষ্ট অথবা সুশ্রাব্য শব্দের অনুরোধে একটি শ্লোক রচনা করিয়াছেন। সেই শ্লোকের সেই শব্দটি ভিন্ন আর কোন অংশেই কোন চমৎকারিতা দেখিতে পাওয়া যায় না। তাঁহার রচনা প্রগাঢ়, ওজস্বী ও গাম্ভীর্যব্যঞ্জক, কিন্তু কালিদাসের অথবা ভারবির ন্যায় পরিপক্ব নহে।

অপ্রাসঙ্গিক বিষয়ের বহুবিস্তৃত বর্ণনা মাঘের অতি-প্রধান দোষ। তিনি বিংশতিসর্গাশ্রক কাব্যের নয় সর্গ অপ্রাসঙ্গিক বিষয়ে সমর্পিত করিয়াছেন। কৃষ্ণ ইন্দ্রপ্রস্থ প্রস্থান কালে প্রথম দিন রৈবতক পর্ষতে অবস্থান করেন। এই উপলক্ষে মাঘ রৈবতক প্রভৃতির অত্যন্ত অধিক বর্ণনা

করিয়াছেন। চতুর্থ সর্গে কেবল রৈবতক বর্ণন, পঞ্চমে শিবিরসন্নিবেশ, ষষ্ঠে ঋতুবর্ণন, সপ্তমে ষাদবদিগের বন-বিহার, অষ্টমে জলবিহার, নবমে সঙ্ক্যাবর্ণন, দশমে সজ্জীক ষাদবদিগের সুরাপান ও বিহার, একাদশে প্রভাতবর্ণন, দ্বাদশে সৈন্যপ্রয়াণ; এইরূপ এক এক সর্গে এক এক বিষয় মাত্র বর্ণিত হইয়াছে। মাঘ এই সমস্ত বর্ণনাতে স্বীয় অদ্ভুত কবিত্বশক্তি ও বর্ণনাশক্তির এক শেষ প্রদর্শন করিয়াছেন। কিন্তু এই সকল বর্ণনা যেমন অতিবিস্তৃত, তেমনি অপ্রাসঙ্গিক; প্রকৃতবিষয় শিশুপালবধে উহাদের কোন উপযোগিতা দেখিতে পাওয়া যায় না। এই নয় সর্গ পরিত্যাগ করিলেও কাব্যের ইতিবৃত্ত কোন ক্রমেই অসংলগ্ন হইবেক না।

শিশুপালবধ, এইরূপ দোষাশ্রিত হইয়াও, যে এক অত্যুৎকৃষ্ট মহাকাব্য, তাহার সন্দেহ নাই। কিন্তু ভারত-বর্ষীয় পণ্ডিতেরা যে ইহাকে সর্বোৎকৃষ্ট মহাকাব্য বলিয়া নির্দেশ করিয়া থাকেন (৩), ইহা কোন ক্রমেই অঙ্গীকার করিতে পারা যায় না। সম্যক্ সহৃদয়তা সহকারে পর্যালোচনা করিয়া দেখিলে, ইহা অবশ্যই স্বীকার করিতে হই-

(১) ভদ্রমা কালিদাসস্য মারবের্দগৌরবম্।

সৈমধে মদন্তালিলং মাঘে সন্নি সখ্যো মথ্যোঃ ॥

দুহ্মে দু জাতী নগরে কাস্মী নারীমু রক্ষা পুহ্মে দু দিম্ব্যুঃ।

নদীমু নক্সা নৃদতী খ রানঃ কাস্মীমু মাঘঃ কবিজালিদাসঃ ॥

বেক যে শিশুপালবধ রঘুবংশ, কুমারসম্ভব ও কিরাতার্জু-  
নীয় অপেক্ষা নিকৃষ্ট ।

### নৈষধচরিত ।

একপ কিংবদন্তী আছে, শ্রীহর্ষ দেবতার আরাধনা  
করিয়া তৎপ্রসাদে অলৌকিক কবিত্বশক্তি লাভ করিয়া-  
ছিলেন ; নৈষধচরিত সেই দেবপ্রসাদলব্ধ অলৌকিক  
কবিত্বশক্তির ফল । শ্রীহর্ষের যে কবিত্বশক্তি অসাধারণ  
ছিল, তাহার কোন সংশয় নাই ; কিন্তু তাঁহার তাদৃশী  
সহৃদয়তা ছিল না । তিনি নৈষধচরিতকে আদ্যোপান্ত  
অত্যাঙ্কিতে এমন পরিপূর্ণ করিয়াছেন, এবং তাঁহার রচনা  
এমন মাধুর্য্যবর্জিত, লালিত্যহীন, সারল্যাশূন্য ও অপরিপক্ব  
যে ইহাকে কোন ক্রমেই অত্যাৎকৃষ্ট কাব্য বলিয়া নির্দেশ,  
অথবা পূর্বোন্নিখিত মহাকাব্যচতুষ্টয়ের সহিত তুলনা  
করিতে পারা যায় না ।

শ্রীহর্ষের অত্যাঙ্কি এমন উৎকট, যেতদ্বারা তদীয় কাব্যের  
উপাদেয়ত্ব না জন্মিয়া বরং হেয়ত্বই ঘটিয়াছে । তিনি  
নলরাজার বর্ণনা কালে কহিয়াছেন, “নলরাজার যুদ্ধযাত্রা-  
কালে সৈন্য দ্বারা যে ধূলি উত্থাপিত হইয়াছিল, সেই ধূলি  
ক্ষীরসমুদ্রে পতিত হইয়া পঙ্কভাব প্রাপ্ত হয় ; উৎপত্তি-  
কালে চন্দ্রের গাত্রে সেই পঙ্ক লাগিয়া কলঙ্ক হইয়া

আছে" (৪)। নলরাজা যখন অশ্বারোহণ করিয়া বয়স্রবগ-  
সমভিব্যাহারে উপবনবিহারে গমন করিতেছেন, শ্রীহর্ষ  
তদীয় অশ্বের এইরূপ বর্ণনা করিয়াছেন, "আমাদিগের  
চলিবার নিমিত্ত এই পৃথিবী কয় পদ হইবেক ; অতএব  
সমুদ্রও স্থল হউক ; এই মনে করিয়াই যেন অশ্বগণ, সমু-  
দ্রের জল শুষ্ক করিয়া স্থল করিবার নিমিত্ত, পদ দ্বারা ধূলি  
উত্থাপিত করিতেছে" (৫)। নৈষধচরিত এইরূপ উৎকট  
বর্ণনায় পরিপূর্ণ। একপ উৎকট বর্ণনা পাঠ করিয়া কোন্  
সহৃদয় ব্যক্তি প্রীত বা চমৎকৃত হইবেন।

শ্রীহর্ষ অত্যন্ত অনুপ্রাণপ্রিয় ছিলেন। সংস্কৃতভাষায়  
অনুপ্রাণ সাতিশয় মধুর হইয়া থাকে, কিন্তু অত্যন্ত অধিক  
হইলে অত্যন্ত কর্কশ হইয়া উঠে। সুতরাং, অনুপ্রাণ-  
বাহুল্য দ্বারা নৈষধচরিতের মাধুর্য্য সম্পাদন না হইয়া সাতি-  
শয় কার্কশ্যই ঘটয়া উঠিয়াছে। কিন্তু এতদেশীয় লোকেরা,  
বিশেষতঃ নৈয়ায়িকমহাশয়েরা, এমন অত্যাতিপ্রিয় ও অনু-  
প্রাণভর যে তাঁহারা সকল কাব্য অপেক্ষা নৈষধচরিতের  
সমধিক প্রশংসা করিয়া থাকেন। তাঁহাদের মতে নৈষধ-

(৪) যদস্য যাত্ৰাস্ত বলোদ্ধতং রজঃ স্ক্রুৎসত্যতাপানলধূমমজ্জিম।  
তদেব গতা পতিতং স্তুধান্বধৌ দধাতি পঙ্কীমবদঙ্কতাং বিধৌ ॥

প্রথমসর্গ। ৮ শ্লোক।

(৫) পযাশ্রমস্মাকমিয়ং ক্রিয়ত্যদং ধরা তদস্মোধিরপি স্থলায়তাম্।  
রুতীয বাহ্নৈর্নিজবেগদর্পিতৈঃ পযোধিরোধন্তমমুদ্বৃতং রজঃ ॥

প্রথমসর্গ। ৩১ শ্লোক।



চরিত সংস্কৃত ভাষায় সৰ্বপ্রধান মহাকাব্য (৬)। যাহা হউক, নৈষধচরিতে মধ্যে মধ্যে অনেক অত্যাৎকৃষ্ট অংশ আছে। অন্য অন্য অংশ পাঠ করিয়া যেকপ অসন্তুষ্ট ও বিরক্ত হইতে হয়, ঐ সকল অত্যাৎকৃষ্ট অংশ পাঠ করিয়া সেইকপ প্রীত ও চমৎকৃত হইতে হয়।

এই মহাকাব্য দ্বাবিংশতি সর্গে বিভক্ত, এবং সকল মহাকাব্য অপেক্ষা বৃহৎ। ইহাতে নলরাজার চরিত্র বর্ণিত হইয়াছে।

নৈষধচরিতের বিষয়ে এক অতিকৌতুকাবহ কিংবদন্তী প্রচলিত আছে। ক্রীর্ষ নৈষধচরিত রচনা করিয়া স্বীয় মাতুল প্রধান আলঙ্কারিক মন্মট ভট্টকে দেখাইতে লইয়া যান। মন্মট ভট্ট আদ্যোপান্ত পাঠ করিয়া ক্রীর্ষকে কহিয়াছিলেন, বাপু হে! যদি তুমি কিছু পূর্বে তোমার গ্রন্থ খানি আনিত, তাহা হইলে আমার শ্রমের অনেক লাঘব হইত। বহু পরিশ্রমে অনেক গ্রন্থ পাঠ করিয়া, আমার অলঙ্কার গ্রন্থের দোষপরিচ্ছেদের উদাহরণ সংগ্রহ করিতে হইয়াছে। কিন্তু সেই সময় তোমার নৈষধচরিত পাইলে, আমায় এত পরিশ্রম করিতে হইত না; এক গ্রন্থ হইতেই সমুদায় উদাহরণ উদ্ধৃত করিতে পারিতাম।

## ভট্টিকাব্য ।

ভট্টিকাব্যে রামের চরিত্র বর্ণিত হইয়াছে। এই মহাকাব্য দ্বাবিংশতি সর্গে বিভক্ত। গ্রন্থকর্তা স্বরচিত কাব্যের শেষে আপনার একপ্রকার পরিচয় দিয়াছেন, কিন্তু নাম নির্দেশ করেন নাই। প্রামাণিক প্রাচীন টীকাকার জয়মঙ্গল কহেন, এই মহাকাব্য ভট্টনামক কবির রচিত; ভট্টিকাব্য নাম দ্বারাও ইহাই সম্যক্ প্রতিপন্ন হইতেছে। কিন্তু অধুনাতন টীকাকার ভরতমল্লিক, আপন মতের প্রতিপোষক প্রমাণ প্রদর্শন ব্যতিরেকেই, ভট্টিকাব্যকে ভর্তৃহরিপ্রণীত বলিয়া নির্দেশ করিয়াছেন। ভর্তৃহরি ও এই কাব্যের রচয়িতা উভয়েই অতি প্রধান বৈয়াকরণ ছিলেন, বোধ হয় এই সাদৃশ্য দর্শনেই ভরতমল্লিকের ভ্রান্তি জন্মিয়াছিল। গ্রন্থকর্তা কাব্যের শেষ শ্লোকে (৭) লিখিয়াছেন, আমি বলভীপতি নরেন্দ্র রাজার রাজধানীতে থাকিয়া এই কাব্য রচনা করিলাম। যদি ভরতমল্লিক এই শ্লোক দেখিতেন, তাহা হইলে তিনি ঐ ভ্রমে পতিত হইতেন না। যেকূপ জনশ্রুতি আছে, তদনুসারে ভর্তৃহরি স্বয়ং রাজা ছিলেন। যে ব্যক্তি স্বয়ং রাজা হন তিনি, অমুক

---

(৩) काव्यमिदं विहितं मया बलभ्यां  
 श्रीधरसेननरेन्द्रपालितायाम् ।  
 कीर्तिरतो भवताम्, यस्य तस्य  
 स्वमकरः क्षितिपौ वतः प्रजानाम् ॥

রাজার রাজধানীতে থাকিয়া এই গ্রন্থ রচনা করিলাম, আপন গ্রন্থে কদাচ একপ নির্দেশ করেন না। ভরতমল্লিক শেষ চারি শ্লোকের টীকা করেন নাই; তাহাতেই বোধ হইতেছে, এই চারি শ্লোক তাঁহার দৃষ্টিপথে পতিত হয় নাই।

ভট্টিকাব্যের রচনা স্থানে স্থানে অতি সুন্দর। বিশেষতঃ, দ্বিতীয় সর্গের প্রারম্ভে যে হৃদয়গ্রাহিণী শরৎঘর্ননা আছে, তদ্বারা গ্রন্থকর্তার অসাধারণ কবিত্বশক্তির বিলক্ষণ প্রমাণ পাওয়া যাইতেছে। কিন্তু ব্যাকরণের উদাহরণপ্রদর্শন গ্রন্থকর্তার যেকপ উদ্দেশ্য ছিল, কবিত্বশক্তি প্রদর্শন করা তাদৃশ উদ্দেশ্য ছিল না। এই নিমিত্তই, ভট্টিকাব্যের অধিকাংশ অত্যন্ত নীরস ও অত্যন্ত কর্কশ। যদি তিনি, ব্যাকরণের উদাহরণপ্রদর্শনে ব্যগ্র না হইয়া, কাব্যরচনায় মনোনিবেশ করিতেন, তাহা হইলে ভট্টিকাব্য উৎকৃষ্ট মহাকাব্য মধ্যে পরিগণিত হইতে পারিত, সন্দেহ নাই।

এই যে ছয় মহাকাব্যের বিষয় উল্লিখিত হইল, ইহারা ই অত্যন্ত প্রসিদ্ধ ও অত্যন্ত প্রচলিত। ভারতবর্ষের সর্ব প্রদেশেই এই ছয়ের সচরাচর অনুশীলন আছে।

### রাঘবপাণ্ডবীয়।

এই মহাকাব্যের প্রণালী স্বতন্ত্র। ইহা দ্ব্যর্থ কাব্য। এক অর্থে রামের চরিত্রবর্ণন প্রতিপন্ন হয়, অপর অর্থে

যুধিষ্ঠিরাদি পঞ্চ পাণ্ডবের বৃত্তান্তবর্ণন লক্ষিত হয়। এই রূপ এক শ্লোকে অর্থহীন সমাবেশ দ্বারা রাঘব ও পাণ্ডবদিগের বৃত্তান্ত বর্ণন সমাধান করিয়া, কবি স্থায়ী অসাধারণ ক্ষমতা প্রদর্শন করিয়াছেন। রাঘবপাণ্ডবীয়ের উপক্রমণিকাংশে গ্রন্থকর্তার নাম কবিরাজপণ্ডিত বলিয়া নির্দিষ্ট আছে। কিন্তু বোধ হয়, ইহা তাঁহার উপাধি, নাম নহে। উপাধি দ্বারাই বিশেষ বিখ্যাত ছিলেন, এই নিমিত্ত গ্রন্থকর্তা আপন গ্রন্থে উপাধিরই নির্দেশ করিয়াছেন। কবি যেকোন উপাধি অথবা নাম পাইয়াছিলেন, তদনুরূপ কবিত্ব-শক্তি প্রাপ্ত হন নাই। ইনি কবিত্ব বিষয়ে পূর্বনির্দিষ্ট কবিদিগের অপেক্ষা অনেক অংশে ন্যূন। এই কাব্য ত্রয়োদশ সর্গে বিভক্ত। পূর্বোক্ত কাব্য সকল যেমন সর্বত্র প্রচলিত, রাঘবপাণ্ডবীয় সেকণ নহে; ইহা অত্যন্ত বিরল-প্রচার। এত বিরলপ্রচার যে অনেকে ইহার নামও অবগত নহেন। কবিরাজ স্বগ্রন্থে নির্দেশ করিয়াছেন, তিনি কামদেব রাজার সভায় ছিলেন এবং তৎ কর্তৃক প্রোৎসাহিত হইয়া রাঘবপাণ্ডবীয় রচনা করেন। কামদেব জয়ন্তী-পুরের রাজা ছিলেন এবং মধ্যদেশ হইতে সোমপায়ী বেদজ্ঞ ব্রাহ্মণ আনাইয়াছিলেন। ইহা দেখিয়া অনেকে বোধ করেন, কামদেবেরই অপর নাম আদিসূর। আদিসূরেরও মধ্যদেশ হইতে বেদজ্ঞ ব্রাহ্মণ আনয়নের কিংবদন্তী আছে।

## গীতগোবিন্দ ।

গীতগোবিন্দ জয়দেবপ্রণীত । এই মহাকাব্যের রচনা যেকপ মধুর, কোমল ও মনোহর, সংস্কৃত ভাষার সেকপ রচনা অতি অল্প দেখিতে পাওয়া যায় । বস্তুতঃ, একপ জলিতপদবিন্যাস, শ্রবণমনোহর অনুপ্রাসচ্ছটা ও প্রসাদ-গুণ প্রায় কুত্রাপি লক্ষিত হয় না । তাঁহার রচনা যেকপ চমৎকারিণী, বর্ণনাও তদ্রূপ মনোহারিণী । জয়দেব রচনা বিষয়ে যেকপ অসামান্য নৈপুণ্য প্রদর্শন করিয়াছেন, যদি তাঁহার কবিত্বশক্তি তদনুযায়িনী হইত, তাহা হইলে তাঁহার গীতগোবিন্দ এক অপূর্ব মহাকাব্য বলিয়া পরিগণিত হইত । জয়দেব, কালিদাস ভবভূতি প্রভৃতি প্রধান প্রধান কবি হইতে অনেক ছান বটেন, কিন্তু তাঁহার কবিত্বশক্তি নিতান্ত সামান্য নহে । বোধ হয়, বাঙ্গালা দেশে যত সংস্কৃত কবি প্রাদুর্ভূত হইয়াছেন, ইনিই তৎসর্বোৎকৃষ্ট ।

গীতগোবিন্দ আদ্যোপান্ত সঙ্গীতময়, কেবল মধ্য মধ্যে শ্লোক আছে । সঙ্গীতসমূহে রাগতানের বিলক্ষণ সমাবেশ আছে । অনেকানেক কলাবতেরা, ভাষাসঙ্গীতের ন্যায়, গীতগোবিন্দ গান করিয়া থাকেন । গীতগোবিন্দে রাধা ও কৃষ্ণের লীলা বর্ণিত হইয়াছে । জয়দেব পরম বৈষ্ণব ছিলেন এবং প্রগাঢ় ভক্তিয়োগ সহকারে বৈষ্ণবদিগের পরম দেবতা রাধাকৃষ্ণের লীলা বর্ণন করিয়াছেন ।

একপ কিংবদন্তী আছে, এবং বৈষ্ণবসম্প্রদায়ের

লোকেরা অদ্যাপি বিশ্বাস করিয়া থাকেন, যে গীতগোবিন্দের “দেহি পদপল্লবমুদারম্” এই অংশটি কৃষ্ণ জয়দেবের আবাসে আসিয়া স্বহস্তে লিখিয়া গিয়াছেন। রাধার মানভঞ্জনার্থে যখন কৃষ্ণ অনুন্নয় করিতেছেন, সেই স্থলে, “মম শিরসি মণ্ডনং, দেহি পদপল্লবমুদারম্,” এই বাক্য লিখিত আছে। ইহার অর্থ এই, (কৃষ্ণ রাধিকাকে কহিতেছেন) তোমার উদার পদপল্লব আমার মস্তকে ভূষণস্বরূপ অর্পণ কর। জয়দেব “মণ্ডনং” পর্য্যন্ত লিখিয়া, এই ভাবিয়া, “দেহি পদপল্লবমুদারম্” এই অংশ সাহস করিয়া লিখিতে পারিতেছেন না, যে প্রভুর মস্তকে পদার্পণের কথা কিকপে লিখিব। পরিশেষে, ঐ অংশ লিখিতে কোন ক্রমেই সাহস না হওয়াতে, সে দিবস লেখা রহিত করিয়া তিনি স্নানে গমন করিলেন। কিন্তু কৃষ্ণ অত্যন্ত রসিক, সামান্য নায়কের ন্যায় বর্ণিত হইলে, অপরাধ গ্রহণ করেন একপ নহেন; বরং তাঁহার প্রণয়িনীর পদপল্লব তদীয় মস্তকে অর্পিত বর্ণন করিলে, প্রসন্নই হইলেন। অতএব তিনি, প্রস্তুত বিষয়ে স্বীয় পরিতোষ দর্শাইবার এবং পরমভাগবত জয়দেবকে চরিতার্থ করিবার নিমিত্ত, জয়দেবের আনোত্তর প্রত্যাগমনের কিঞ্চিৎ পূর্বে, তদীয় আকার অবলম্বন করিয়া, স্নাতপ্রত্যাগত জয়দেবের ন্যায়, তাঁহার গৃহে উপস্থিত হইলেন। জয়দেবের ব্রাহ্মণী পদ্মাবতী রীতিমত অন্ন ব্যঞ্জন প্রস্তুত করিয়া দিলেন। জয়দেবকণী কৃষ্ণ সেই অন্ন ব্যঞ্জন আহার

করিলেন এবং আহারান্তে জয়দেবের পুস্তক বহিষ্কৃত করিয়া, “দৈহি দদমল্লবমুদারম্” এই অংশ স্বহস্তে লিখিয়া রাখিলেন। অনন্তর পদ্মাবতী, শয্যা প্রস্তুত করিয়া তাঁহাকে শয়ন করাইয়া, রীতিমত তদীয় পাত্ৰাবশিষ্ট প্রসাদ পাইতে বসিলেন। এই অবসরে প্রকৃত জয়দেবও স্নান করিয়া গৃহ প্রত্যাগমন করিলেন। জয়দেব জানিতেন, পদ্মাবতী প্রতিদিন পাত্ৰাবশিষ্ট প্রসাদ পাইয়া থাকেন, প্রাণান্তেও কদাপি তাঁহার আহারের পূর্বে জলগ্রহণ করেন না। সে দিবস তাঁহাকে অগ্রে আহারে প্রবৃত্ত দেখিয়া, চমৎকৃত হইয়া হেতু জিজ্ঞাসা করিলে, তিনি পূর্ক্সাপর সমস্ত ব্যাপার বর্ণন করিলেন। জয়দেব, যৎপরোনাস্তি বিস্ময়াপন্ন হইয়া, পুস্তক উন্মোচন করিয়া দেখিলেন, “দৈহি দদমল্লবমুদারম্” এই অংশটি লিখিত রহিয়াছে। তিনি বুঝিতে পারিলেন, ভক্তবৎসল ভগবান্ স্বয়ং আসিয়া লিখিয়া গিয়াছেন। পরে শয়নাগারে প্রবেশ করিয়া দেখিলেন, শয্যা পাতিত আছে, প্রভু অন্তর্হিত হইয়াছেন। তখন, আপনাকে যৎপরোনাস্তি ভাগ্যবান্ ও প্রভুর অসাধারণ কৃপাপাত্ৰ স্থির করিয়া, জয়দেব প্রভুর প্রসাদ বলিয়া পদ্মাবতীর পাত্ৰাবশিষ্ট গ্রহণ দ্বারা আত্মাকে চরিতার্থ করিলেন।

কেন্দুবিলা গ্রামে জয়দেবের বাস ছিল (৮)। বীরভূমির প্রায় দশ ক্রোশ দক্ষিণে, অজয় নদের উত্তরতীরে, কেন্দুবিলা

(৮) বর্ণিত জয়দেবকীর কীর্তি মন্দির।

কেন্দুবিলায় মুদ্রিত পদ্মাবতী হইয়াছে।

নামে যে গ্রাম আছে, জয়দেব তাহাকেই কেন্দ্রবিন্দু নামে নির্দেশ করিয়াছেন। ঐ কেন্দ্রলি গ্রামে অদ্যাপি, জয়দেবের স্মরণার্থে, প্রতিবৎসর পৌষমাসে বৈষ্ণবদিগের মেলা হইয়া থাকে। জয়দেব কোন্ সময়ে প্রোছুড়ুত হইয়াছিলেন, তাহার নিশ্চয় হওয়া দুষ্কট।

### খণ্ডকাব্য।

কোন এক বিষয়ের উপর লিখিত অনতিদীর্ঘ যে কাব্য, আলঙ্কারিকেরা তাহাকে খণ্ডকাব্য বলেন। খণ্ডকাব্য মহাকাব্যের প্রণালীতে রচিত, কিন্তু মহাকাব্যের সম্পূর্ণ লক্ষণাক্রান্ত নহে। কোন কোন খণ্ডকাব্য মহাকাব্যের ন্যায় সর্গবন্ধে বিভক্ত নয়। আর যে সকল খণ্ডকাব্য সর্গবন্ধে বিভক্ত, তাহাতেও সর্গসংখ্যা আটের অধিক নহে।

### মেঘদূত।

সংস্কৃত ভাষায় ষত খণ্ডকাব্য আছে, মেঘদূত সর্ক্সাংশে সর্ক্সোৎকৃষ্ট। এই অষ্টাদশাধিক শতশ্লোকাত্মক খণ্ডকাব্য কালিদাসপ্রণীত। মেঘদূত এইরূপ ক্ষুদ্র কাব্য বটে, কিন্তু ইহার প্রায় প্রত্যেক শ্লোকেই অদ্বিতীয় কবি কালিদাসের অলৌকিক কবিত্বশক্তির সম্পূর্ণ লক্ষণ স্পষ্ট লক্ষিত হয়।



কুবেরের ভৃত্য এক যক্ষ, অত্যন্ত শ্রৈণতা প্রযুক্ত, আপন কর্মে অবহেলা করাতে, কুবের তাহাকে এই শাপ দেন যে তোমাকে একাকী এক বৎসর রামগিরিতে অবস্থিতি করিতে হইবেক। তদনুসারে, সে তথায় আট মাস বাস করিয়া, স্বীয় প্রিয়তমার অদর্শনদুঃখে উন্মত্তপ্রায় হয়। পরিশেষে, আষাঢ়ের প্রথম দিবসে, নভোমণ্ডলে হৃতন মেঘের উদয় দেখিয়া, বাহ্যজ্ঞানশূন্য হইল, আপন প্রিয়ার নিকট সংবাদ লইয়া যাইবার নিমিত্ত, মেঘকে সচেতন বোধে সঞ্োধন করিয়া, দৌত্যভারগ্রহণপ্রার্থনা জানাইল, এবং রামগিরি হইতে আপন আলয় পর্য্যন্ত পথ নির্দেশ করিয়া দিতে আরম্ভ করিল। এই বিষয় অতি সুন্দর রূপে মেঘদূতে বর্ণিত হইয়াছে।

কালিদাস এই কাব্যে নানা গিরি, নদী, উপবন, গ্রাম, নগর, ক্ষেত্র, দেবালয় ও রাজধানী এবং হিমালয়, অলকা, যক্ষের আলয়, যক্ষের ও যক্ষপত্নীর বিরহাবস্থা প্রভৃতির বর্ণন করিয়াছেন। ঐ সমস্ত বর্ণনে এমন অসাধারণ কবিত্ব-শক্তি ও অনন্যসামান্য সহৃদয়তা প্রদর্শিত হইয়াছে যে যদি কালিদাস মেঘদূত ব্যতিরিক্ত অন্য কোন কাব্য রচনা না করিতেন, তথাপি তাঁহাকে অদ্বিতীয় কবি বলিয়া অঙ্গীকার করিতে হইত। মেঘদূতের রচনা কালিদাসের অন্যান্য কাব্যের রচনা অপেক্ষা কিঞ্চিৎ দুর্বল।

## ঋতুসংহার ।

কালিদাসপ্রণীত এই ঋতুকাব্য ছয় সর্গে বিভক্ত । এক এক সর্গে যথাক্রমে গ্রীষ্ম, বর্ষা, শরৎ, হিম, শিশির, বসন্ত, ছয় ঋতু বর্ণিত হইয়াছে । যে স্বভাবোক্তি কাব্যের প্রধান অলঙ্কার, ঋতুসংহার আদ্যোপান্ত তাহাতে অলঙ্কৃত । কিন্তু রূপক, উৎপ্রেক্ষা প্রভৃতি অলঙ্কার এতদেশীয় লোকের অধিক প্রিয়, স্বভাবোক্তির চমৎকারিত্ব তাঁহাদের তাদৃশ মনোরম বোধ হয় না । এই নিমিত্ত, অনেকেই ইহাকে উৎকৃষ্ট কাব্য বলেন না । কেহ কেহ ঋতুসংহারকে রঘুবংশ, কুমারসম্ভব, মেঘদূত, অভিজ্ঞানশকুন্তল, বিক্রমোর্কশী এই সকল সর্বোৎকৃষ্ট কাব্যের রচয়িতা কালিদাসের প্রণীত বলিয়া অঙ্গীকার করিতে সম্মত নহেন । ঋতুসংহার রঘুবংশাদি অপেক্ষা অনেক অংশে ছান বটে ; কিন্তু যে সমস্ত গুণ থাকাতে, রঘুবংশাদির এত আদর ও এত গৌরব, কুসংস্কারবিবর্জিত ও সহৃদয়পদবীতে অধিকতর হইয়া অভিনিবেশপূর্ব্বক পাঠ করিলে, ঋতুসংহারে সেই সমস্ত গুণের সমুদায় লক্ষণ সুস্পষ্ট লক্ষিত হয় । অন্যান্য ঋতু অপেক্ষা গ্রীষ্ম ঋতুর বর্ণন সাতিশয় মনোহর ।

## নলোদয় ।

নলোদয়ের প্রত্যেক শ্লোক যমকালঙ্কারযুক্ত । এই কাব্য কালিদাসপ্রণীত । ইহাতে নলরাজার বৃত্তান্ত সংক্ষেপে বর্ণিত হইয়াছে । কালিদাস, যমকের দিকেই সম্পূর্ণ দৃষ্টি রাখিতে, স্বপ্রণীত অন্যান্য কাব্যের ন্যায়, নলোদয়কে স্থায় অলৌকিক কবিত্বশক্তির লক্ষণে লক্ষিত করিবার অবকাশ পান নাই ।

একপ কিংবদন্তী আছে, কালিদাস ঘটকর্পরের গর্ভে খর্ব করিবার নিমিত্ত নলোদয় রচনা করেন । ঘটকর্পরও, কালিদাসের ন্যায়, বিক্রমাদিত্যের নবরত্নের অন্তর্ভুক্ত । ইনি যমকালঙ্কারযুক্ত দ্বাবিংশতি শ্লোক রচনা করেন । এই দ্বাবিংশতিশ্লোকাত্মক কাব্যও ঘটকর্পর নামে প্রসিদ্ধ । ঘটকর্পরের বিশেষ প্রশংসা করা যায় এমন কোন গুণ নাই । গ্রন্থকর্তা শেষ শ্লোকে কহিয়াছেন, “যে কবি যমক লিখিয়া আমাকে পরাজয় করিতে পারিবেক, আমি ঘটকর্পর অর্থাৎ কলমীর খাপরা দ্বারা তাহার বারিবহন করিব” (১) । কবির এই প্রতিজ্ঞাবাক্য দর্শনে এক প্রকার স্পষ্ট বোধ হইতেছে, ঘটকর্পরঘটিত প্রতিজ্ঞা দ্বারাই তাঁহার ও তাঁহার কাব্যের নাম ঘটকর্পর হইয়াছে । একপ কিংবদন্তী আছে, ঘটকর্পরের এই গর্ভিত প্রতিজ্ঞা দর্শনে,

( ৫ ) জীয়েয যেন কবিনা যমকৈঃ পরেণ ।

তস্মৈ যচ্চযমুদকং ঘটকর্পরেষণ ॥

রোষপরবশ হইয়া কালিদাস নলোদয় রচনা করেন। ঘটকর্পের অপেক্ষা নলোদয়ে যমকের আড়ম্বর অনেক অধিক। যদি ঐ কিংবদন্তী সমূলক হয়, তাহা হইলে, কালিদাস ঘটকর্পরের যমকরচনাগর্ভে বিলক্ষণ খর্ব্ব করিয়াছিলেন।

---

### সূর্য্যশতক।

সূর্য্যশতক মমুরভট্টপ্রণীত। মমুরভট্ট এক শত শ্লোকে সূর্য্যের ও তদীয় মণ্ডল, কিরণ, অশ্ব ও সারথির বর্ণনা ও স্তব করিয়াছেন। একপ কিংবদন্তী আছে, মমুরভট্ট এই শতশ্লোকাত্মক সূর্য্যস্তব রচনা করিয়া কুষ্ঠ ব্যাধি হইতে মুক্ত হইয়াছিলেন। সূর্য্যশতকের রচনা অতিপ্রগাঢ় ও অতিসুন্দর; ইহাতে অসাধারণ কবিত্বশক্তিও প্রদর্শিত হইয়াছে। কিন্তু মমুরভট্টের যেরূপ রচনাশক্তি ও যেরূপ কবিত্বশক্তি ছিল, তাহা বিষয়ান্তরে প্রয়োজিত হইলে, তিনি সূর্য্যশতক অপেক্ষা অনেক অংশে উৎকৃষ্ট কাব্য রচনা করিয়া যাইতে পারিতেন।

---

### কোষকাব্য।

পরম্পরানিরপেক্ষ শ্লোকসমূহকে কোষকাব্য বলে।

---

## অমরুশতক ।

সংস্কৃত ভাষায় যত কোষকাব্য আছে তন্মধ্যে অমরুশতক সর্বোৎকৃষ্ট । এই শতশ্লোকায়ক কাব্যের রচনা অতি উত্তম । রচনা দেখিয়া স্পষ্ট বোধ হয়, ইহা প্রাচীন গ্রন্থ । এই কাব্যে অসাধারণ কবিত্বশক্তি প্রদর্শিত হইয়াছে । কালিদাসের গ্রন্থ পাঠ করিলে, অনুকরণে যেকপ অনির্দোষ-নীয় অঙ্কিতের সঞ্চার হয়, অমরুশতকের পাঠেও তদনু-কপ হইয়া থাকে । অমরু যে এক জন অতি প্রধান কবি ছিলেন, তাহার কোন সংশয় নাই । অমরু অধিক লিখিয়া যাইতে পারেন নাই, যথার্থ বটে ; কিন্তু যাহা লিখিয়া গিয়াছেন, তাহাতেই তাঁহার প্রধান কবি বলিয়া চিরস্মরণীয় হইবার সম্পূর্ণ সংস্থান হইয়াছে ।

অমরুশতক আদিরসাত্মক কাব্য ; কিন্তু এক টীকা-কার, প্রথমতঃ আদিরস পক্ষে ব্যাখ্যা করিয়া, পক্ষান্তরে শান্তিরসাত্মক করিয়া ব্যাখ্যা করিয়াছেন । টীকাকার, অমরুশতকের শান্তি পক্ষে ব্যাখ্যা করিতে উদ্যত হইয়া, কেবল উপহাসাস্পদ হইয়াছেন । তাঁহার দুর্ভাগ্যক্রমে এক শ্লোকেরও শান্তি পক্ষে সম্যক্ অর্থসমাবেশ হইয়া উঠে নাই ।

## শান্তিশতক ।

এই শান্তরসাম্প্রিত শতক কাব্য শিহ্লগপ্রণীত । শিহ্লগ উত্তম কবি ছিলেন ; এবং অর্থলাভার্থে পরোপাসনা, লোভ, বিষয়াসঙ্গ ইত্যাদির নিন্দা, এবং বিষয়ের অনিত্যতা প্রতিপাদন ও যদৃচ্ছালাভসম্বোধ প্রভৃতির, স্বীয় শতকে সংকবির ন্যায় বর্ণন করিয়াছেন । শান্তিশতকের রচনা উত্তম । সমুদায় পর্যালোচনা করিলে শান্তিশতক উৎকৃষ্ট কাব্য ।

---

## নীতিশতক, শৃঙ্গারশতক, বৈরাগ্যশতক ।

নীতিশতকে নানা সুনীতির উপদেশ আছে । শৃঙ্গারশতকের সমুদায় শ্লোক আদিরসাম্প্রিত । বৈরাগ্যশতক সর্বাংশে শান্তিশতকের তুল্য । তিনের মধ্যে নীতিশতক সর্বোৎকৃষ্ট । এই তিন শতকের রচয়িতার নাম ভর্তৃহরি । ভর্তৃহরির রচনাও উত্তম এবং কবিত্বশক্তিও বিলক্ষণ ছিল । অনেকে কহিয়া থাকেন, এই ভর্তৃহরিই বিক্রমাদিত্যের সহোদর । যেহেতু জনশ্রুতি আছে, তদনুসারে বিক্রমসোদর ভর্তৃহরি অত্যন্ত নীতিপরায়ণ ও অত্যন্ত জ্ঞেয় ছিলেন এবং পরিশেষে জ্ঞার উপর বিরক্ত হইয়া বৈরাগ্য অবলম্বন করিয়াছিলেন । তাঁহার অবস্থার সহিত তিন কাব্যার্থের যেকোন এক হইতেছে, তাহাতে এই তিন কাব্য তাঁহার রচিত, এ কথা নিতান্ত অসঙ্গত বোধ হয় না ।

---

## আর্য্যাসপ্তশতী ।

এই সপ্তশতশ্লোকায়ক কাব্য আর্য্য্য ছন্দে রচিত, এই নিমিত্ত ইহা আর্য্যাসপ্তশতী নামে প্রসিদ্ধ। গ্রন্থকর্তার নাম গোবর্দ্ধন, এই নিমিত্ত গোবর্দ্ধনসপ্তশতী নামেও নির্দিষ্ট হইয়া থাকে। গোবর্দ্ধন সংকবি ছিলেন। তাঁহার রচনা সরল ও মধুর। জয়দেব গীতগোবিন্দের প্রারম্ভে গোবর্দ্ধনের সবিশেষ প্রশংসা করিয়াছেন (১০)।

## গদ্য কাব্য ।

### কাদম্বরী ।

সংস্কৃত ভাষায় গদ্য সাহিত্য গ্রন্থ অধিক নাই। যে কয়েক খানি গদ্যগ্রন্থ দেখিতে পাওয়া যায়, তন্মধ্যে কাদম্বরী সৰ্ব্বশ্রেষ্ঠ। কাদম্বরী গদ্যে রচিত বটে, কিন্তু অতি প্রধান কাব্য মধ্যে পরিগণিত। এই গ্রন্থ বাণভট্টপ্রণীত। বাণভট্ট মহাকবি ও সংস্কৃত রচনায় মহাপণ্ডিত ছিলেন। কাব্যশাস্ত্রে যে সকল বিষয়ের বর্ণন করিতে হয়, বাণভট্ট এই গ্রন্থে তাহার কিছুই পরিত্যাগ করিয়া যান নাই। যখন যাহা

( ১০ ) মহাকবিজয়দেবের গীতগোবিন্দ-  
স্বর্গী জ্যোতিষ ন বিদ্যুতঃ ।

বর্ণন করিয়াছেন, তাহাই অসাধারণ। তাঁহার বর্ণনা সকল কারুণ্য, মাধুর্য ও অর্থের গান্ধীৰ্য্যে পরিপূর্ণ। রচনা মধুর, কোমল, ললিত ও প্রগাঢ়। রচনার বিশেষ প্রশংসা এই, বাণভট্ট যে সকল শব্দ বিন্যাস করিয়াছেন, তাহার একটিও পরিবর্তন নহে।

এই গ্রন্থে চন্দ্রাপীড়নামক রাজকুমার ও গন্ধৰ্বরাজ চিত্ররথের কন্যা কাদম্বরীর বৃত্তান্ত বর্ণিত হইয়াছে। এই গদ্যকাব্যের যে স্থলে, মহাশ্বেতানাম্নী এক তপস্বিনী, চন্দ্রাপীড়ের নিকট, পরিদেবিতপরিপূর্ণ আশ্রয়বৃত্তান্ত বর্ণন করিতেছেন, ঐ অংশ এমন মনোহর যে বোধ হয় কোন দেশের কোন কবি তদপেক্ষায় অধিক মনোহর রচনা বা বর্ণনা করিতে পারেন নাই। মহাশ্বেতার উপাখ্যান এই অত্যাৎকৃষ্ট কাব্যের সর্বোৎকৃষ্ট ভাগ।

কাদম্বরী, এইরূপ অশেষগুণসম্পন্ন হইয়াও, দোষস্পর্শশূন্য নহে। বাণভট্ট মধ্যে মধ্যে শব্দশ্লেষ ও বিরোধভাসঘটিত রচনা করিয়াছেন। ঐ সকল স্থলে গ্রন্থকর্তার অসাধারণ নৈপুণ্য প্রদর্শিত হইয়াছে; এবং ভারতবর্ষীয় পণ্ডিতেরাও ঐরূপ রচনাকে চিত্তরঞ্জন জ্ঞান করিয়া থাকেন, যথার্থ বটে; কিন্তু ঐ সকল স্থল যে দুঃকহ ও নীরস, ইহা অবশ্যই স্বীকার করিতে হইবেক। এতদ্ব্যতিরিক্ত, মধ্যে মধ্যে দীর্ঘসমাসঘটিত অতি দীর্ঘ দীর্ঘ বাক্য আছে। এই দ্বিবিধ দোষস্পর্শ না থাকিলে কাদম্বরীর ন্যায় কাব্য-গ্রন্থ অতি অল্প পাওয়া যাইত।



ছূৰ্ভাগ্যক্রমে, বাণভট্ট আপন গ্রন্থ সমাপন করিয়া  
 ঘাইতে পারেন নাই। তিনি যে পর্য্যন্ত লিখিয়া গিয়া-  
 ছিলেন, তাহা কাদম্বরীর পূৰ্ব্ভাগ নামে প্রসিদ্ধ। তদীয়  
 পুত্র উপাখ্যানের উত্তরভাগ সংকলন করিয়াছেন। কিন্তু  
 পুত্র পৈতৃক অলৌকিক কবিত্বশক্তি বা অসাধারণ রচনা-  
 শক্তির উত্তরাধিকারী হয়েন নাই। উত্তর ভাগ কোন  
 ক্রমেই পূৰ্ব্ভাগের যোগ্য নহে।

### দশকুমারচরিত।

দশকুমারচরিত এক অত্যুত্তম গদ্য গ্রন্থ। কিন্তু  
 কাব্যার্থে তাদৃশ উৎকৃষ্ট নয়। রচনা অতি উত্তম বটে,  
 কিন্তু কাদম্বরীর রচনার ন্যায় চমৎকারিণী ও চিত্তহারিণী  
 নহে। এই গ্রন্থে নানা বিষয়ের বর্ণনা আছে; কিন্তু বর্ণনা  
 সকল যেকপ কৌতুকবাহিনী, সেকপ রসশালিনী নহে।  
 পাঠ করিলে প্রীত ও চমৎকৃত হওয়া যায়, দশকুমারচরিত  
 সেকপ গ্রন্থ নয়। গ্রন্থকর্তার নাম দণ্ডী।

দশকুমারচরিতশব্দে দশ কুমারের বৃত্তান্তবর্ণনাস্থক  
 গ্রন্থ বুঝায়। কিন্তু যে দশকুমারচরিত দণ্ডিপ্রণীত বলিয়া  
 প্রচলিত, তাহাতে আট কুমারের চরিত্র মাত্র বর্ণিত আছে।  
 সুতরাং, এই গ্রন্থ অসম্পূর্ণবৎ বোধ হইতেছে। যেকপে

বর্ণন করিয়াছেন, তাহাই অসাধারণ। তাঁহার বর্ণনা সকল কারুণ্য, মাধুর্য ও অর্থের গান্ধীর্ঘ্যে পরিপূর্ণ। রচনা মধুর, কোমল, ললিত ও প্রগাঢ়। রচনার বিশেষ প্রশংসা এই, বাণভট্ট যে সকল শব্দ বিন্যাস করিয়াছেন, তাহার একটিও পরিবর্তন নহে।

এই গ্রন্থে চন্দ্রাপীড়নামক রাজকুমার ও গন্ধর্ভরাজ চিত্ররথের কন্যা কাদম্বরীর বৃত্তান্ত বর্ণিত হইয়াছে। এই গদ্যকাব্যের যে স্থলে, মহাশ্বেতানাম্নী এক তপস্বিনী, চন্দ্রাপীড়ের নিকট, পরিদেবিতপরিপূর্ণ আশ্রয়বৃত্তান্ত বর্ণন করিতেছেন, ঐ অংশ এমন মনোহর যে বোধ হয় কোন দেশের কোন কবি তদপেক্ষায় অধিক মনোহর রচনা বা বর্ণনা করিতে পারেন নাই। মহাশ্বেতার উপাখ্যান এই অত্যুৎকৃষ্ট কাব্যের সর্বোৎকৃষ্ট ভাগ।

কাদম্বরী, এইরূপ অশেষগুণসম্পন্ন হইয়াও, দোষস্পর্শ-শূন্য নহে। বাণভট্ট মধ্যে মধ্যে শব্দশ্লেষ ও বিরোধাত্মক-ঘটিত রচনা করিয়াছেন। ঐ সকল স্থলে গ্রন্থকর্তার অসাধারণ নৈপুণ্য প্রদর্শিত হইয়াছে; এবং ভারতবর্ষীয় পণ্ডিতেরাও ঐরূপ রচনাকে চিত্তরঞ্জন জ্ঞান করিয়া থাকেন, যথার্থ বটে; কিন্তু ঐ সকল স্থল যে চুকাহ ও নীরস, ইহা অবশ্যই স্বীকার করিতে হইবেক। এতদ্ব্যতিরিক্ত, মধ্যে মধ্যে দীর্ঘসমাসঘটিত অতি দীর্ঘ দীর্ঘ বাক্য আছে। এই দ্বিবিধ দোষস্পর্শ না থাকিলে কাদম্বরীর স্থায় কাব্য-এস্থ অতি অল্প পাওয়া যাইত।

দুর্ভাগ্যক্রমে, বাণভট্ট আপন গ্রন্থ সমাপন করিয়া যাইতে পারেন নাই। তিনি যে পর্য্যন্ত লিখিয়া গিয়াছিলেন, তাহা কাদম্বরীর পূর্বভাগ নামে প্রসিদ্ধ। তদীয় পুত্র উপাখ্যানের উত্তরভাগ সঙ্কলন করিয়াছেন। কিন্তু পুত্র পৈতৃক অলৌকিক কবিত্বশক্তি বা অসাধারণ রচনা-শক্তির উত্তরাধিকারী হয়েন নাই। উত্তর ভাগ কোন ক্রমেই পূর্ব ভাগের যোগ্য নহে।

---

### দশকুমারচরিত।

দশকুমারচরিত এক অভ্যুত্তম গদ্য গ্রন্থ। কিন্তু কাব্যাংশে তাদৃশ উৎকৃষ্ট নয়। রচনা অতি উত্তম বটে, কিন্তু কাদম্বরীর রচনার ন্যায় চমৎকারিণী ও চিত্তহারিণী নহে। এই গ্রন্থে নানা বিষয়ের বর্ণনা আছে; কিন্তু বর্ণনা সকল যেকপ কৌতুকবাহিনী, সেকপ রসশালিনী নহে। পাঠ করিলে শ্রীত ও চমৎকৃত হওয়া যায়, দশকুমারচরিত সেকপ গ্রন্থ নয়। গ্রন্থকর্তার নাম দণ্ডী।

দশকুমারচরিতশব্দে দশ কুমারের বৃত্তান্তবর্ণনাম্বলক গ্রন্থ বুঝায়। কিন্তু যে দশকুমারচরিত দণ্ডিপ্রণীত বলিয়া প্রচলিত, তাহাতে আট কুমারের চরিত্র মাত্র বর্ণিত আছে। সুতরাং, এই গ্রন্থ অসম্পূর্ণবৎ বোধ হইতেছে। যেকপে

গ্রন্থের আরম্ভ হইতেছে, তাহা কোন ক্রমেই সংলগ্ন বোধ হয় না। আমরা যে সকল ব্যক্তি ও বৃত্তান্তের বিষয় বিন্দু বিসর্গও অবগত নহি, এককালে সেই সকল বিষয়ের আরম্ভ হইতেছে। সমাপ্তিও আরম্ভের ন্যায় অসংলগ্ন। অষ্টম কুমারের বৃত্তান্ত সম্পূর্ণ রূপে বর্ণিত হইল, একপ প্রতীতি হয় না। এইরূপে দশকুমারচরিতের উপক্রম ও উপসংহার উভয়ত্রই ন্যূনতা প্রতিভাসমান হইতেছে।

উপক্রমের ন্যূনতাপরিহারার্থে পূর্বপীঠিকা নামে এক উপক্রমণিকা রচিত হইয়াছে। এই উপক্রমণিকাতে, দশ সঙ্খ্যা পূর্ণ করিবার নিমিত্ত, আর দুই কুমারের বৃত্তান্ত সঙ্কলিত হইয়াছে। এই অংশও দণ্ডীর নিজের রচিত বলিয়া প্রচলিত। কিন্তু উপক্রমণিকার ও দশকুমারচরিতের রচনা পরস্পর একপ বিসংবাদিনী যে ঐ উভয় এক লেখনীর মুখ হইতে বিনির্গত বলিয়া কোন ক্রমেই প্রতীতি হয় না।

দশকুমারচরিতের যেকপ এক উপক্রমণিকা আছে, সেই-কপ এক পরিশিষ্টও আছে। ইহার নাম শেষ অর্থাৎ কথার অবশিষ্টাংশ। এই অবশিষ্টাংশ চক্রপাণিনীকিত-নামক এক মহারাষ্ট্রীয় ব্রাহ্মণের রচিত। আমরা এ পর্য্যন্ত এই পুস্তক দেখিতে পাই নাই। সুবিখ্যাত সংস্কৃতবেত্তা শ্রীযুত হোরেস্ হেমেন্স উইলসন্ ঐ পুস্তক দেখিয়াছেন। তিনি কহেন যে চক্রপাণি নিজ রচনার উৎকর্ষ সাধনার্থে যথেষ্ট শ্রম করিয়াছিলেন, কিন্তু তাঁহার রচনা দণ্ডীর রচনা-

অপেক্ষা নিকৃষ্ট। বিশেষতঃ, উপাখ্যানভাগ এমন অসার ও অকিঞ্চিৎকর যে পাঠ করিলে পরিশ্রম পোষায় না।

অনেকে অনুমান করেন, দণ্ডী গ্রন্থকর্তার নাম নহে; ইহা তাঁহার উপাধিমাত্র। যাহারা সংসারাত্মক পরিত্যাগ করিয়া সন্ন্যাস ধর্ম গ্রহণ করে, তাহাদিগকে দণ্ডী কহে। এই অনুমান নিতান্ত অসঙ্গত বোধ হয় না। আর, এই গ্রন্থকর্তার বিষয়ে যে এক কিংবদন্তী প্রচলিত আছে, তদ্বারাও উক্ত অনুমানের বিলক্ষণ পোষকতা হইতেছে। দণ্ডীদিগের নিয়মিত বাসস্থান নাই, তাঁহারা সর্বদা পর্যটন করেন। কেবল বর্ষা চারি মাস, পর্যটনে অশেষ ক্লেশ বলিয়া, কোন গৃহস্থের আবাসে আশ্রয় গ্রহণ করেন। আমাদিগের দণ্ডীও গৃহস্থের ভবনে বর্ষা চারি মাস বাস করিতেন, এবং সেই অবকাশে এক এক খানি গ্রন্থ রচনা করিতেন। যে বার যে গৃহস্থের আশ্রয়ে থাকিতেন, বর্ষান্তে প্রস্থানকালে, স্বরচিত পুস্তক খানি তাহার হস্তে সমর্পণ করিয়া যাইতেন। দশকুমারচরিত দণ্ডীর এক বর্ষা চারি মাসের রচনা। আর কাব্যাদর্শ নামে দণ্ডীর যে অলঙ্কার গ্রন্থ আছে, তাহাও আর এক বর্ষা চারি মাসের পরিশ্রম। যদি এই কিংবদন্তী অমূলক না হয়, তাহা হইলে, দশকুমারচরিতের উপক্রমে ও উপসংহারে যে ছ্যনতা আছে, তাহারও এক প্রকার হেতু উপলব্ধ হইতেছে। যেহেতু, কিংবদন্তী ইহাও নির্দেশ করিয়া থাকেন, দণ্ডী যে বর্ষাতে দশকুমারচরিত রচনা করেন, সেই বর্ষাতেই তাঁহার প্রাণ-

ত্যাগ হয়। এই নিমিত্ত দশকুমারচরিতের কথা সমাপ্ত ও পূর্বাপরসংলগ্ন করিয়া, যাইতে পারেন নাই।

### বাসবদত্তা।

বাসবদত্তা স্ববন্ধু নামক কবির রচিত। স্ববন্ধু স্বগ্রন্থের সমাপিকাতে, বররুচির ভাগিনেয় বলিয়া, আত্মপরিচয় প্রদান করিয়াছেন (১১)। বররুচি বিক্রমাদিত্যের নব-রত্নের অম্বর্ক্সভী ছিলেন। বিক্রমাদিত্যের মৃত্যুর পর স্ববন্ধু বাসবদত্তা রচনা করেন; এবং গুণগ্রাহী বিক্রমাদিত্য বিদ্যমান নাই বলিয়া আক্ষেপ করিয়াছেন (১২)।

বাণভট্টের কাদম্বরী ও স্ববন্ধুর বাসবদত্তা এই উভয় গ্রন্থ এক প্রণালীতে রচিত। বোধ হয়, একপ রচনা-প্রণালী স্ববন্ধুই প্রথম উদ্ভাবিত করেন। বাণভট্ট যে বিক্রমাদিত্যের সময়ের অনেক পরে প্রাদুর্ভূত হইয়াছিলেন, তাহার কোন সংশয় নাই। এই গ্রন্থে কন্দর্পকেতু নামক এক রাজকুমার ও বাসবদত্তা নামী এক রাজকুমারীর বৃত্তান্ত বর্ণিত হইয়াছে।

(১১) इति श्रीवट्टश्चिभागिनेयसुबन्धुविरचिता वासवदत्ताख्यात्रिका समाप्ता।

(১২) सारसवत्ता निहता नवका विलसन्ति चरति नो कङ्कः।  
सरसीय कीर्त्तिशेखं गतवति भुवि विक्रमादित्ये॥

স্ববন্ধু বাসবদত্তারচনাতে যথেষ্ট নৈপুণ্য প্রদর্শন করিয়াছেন। কিন্তু তাঁহার তাদৃশ অসাধারণ কবিত্বশক্তি ছিল না। কি রচনা, কি বর্ণনা, কি কথাযোজনা, স্ববন্ধুর বাসবদত্তা সর্বোৎকৃষ্ট মধ্যবিধ। পাঠ করিলে এই গ্রন্থ প্রধান কবির রচিত বলিয়া প্রতীতি হয় না। কিন্তু গ্রন্থের আরম্ভে যে কয়েকটি শ্লোক আছে এবং গ্রন্থের মধ্যে কবি যে দুই শ্লোকে কুপিত সিংহের বর্ণনা করিয়াছেন তাহা অত্যন্ত ননোহর।

### চম্পূকাব্য।

আমরা যে কয়েক খানি চম্পূকাব্য দেখিয়াছি, তন্মধ্যে বিশেষ প্রশংসার যোগ্য এক খানিও নাই। কালিদাস ও বাণভট্ট, ভারবি ও ভবভূতি, মাঘ ও ক্রীষ্ণদেব প্রভৃতি প্রধান কবিরা এ বিষয়ে হস্তক্ষেপ করেন নাই। আর, যদিই কোন প্রধান কবি চম্পূকাব্য রচনা করিয়া থাকেন, হয় তাহা অদ্যাপি বিদ্যমান নাই, অথবা এপর্যন্ত উদ্ভাবিত হয় নাই।

আমরা যে সাত খানি চম্পূকাব্য দেখিয়াছি, তন্মধ্যে দেবরাজবিরচিত অনিরুদ্ধচরিত সর্বোৎকৃষ্ট। দেবরাজের রচনাশক্তি ও কবিত্বশক্তি নিতান্ত সামান্য ছিল না। যে ভোজদেবকে বিদ্যোৎসাহিতা ও গুণগ্রাহিতা বিষয়ে দ্বিতীয় বিক্রমাদিত্য বলিয়া গণনা করিতে হয়, তাঁহার রচিত চম্পুরামায়ণ ও চিরঞ্জীববিরচিত বিদ্বদ্মোদতরঙ্গিনী নিতান্ত

অগ্রাহ্য চম্পু নহে । এতদ্ব্যতিরিক্ত, অনন্তভট্টপ্রণীত চম্পুভারত, ভানুদত্তবিরচিত কুমারভার্গবীয়, রামনাথকৃত চন্দ্রশেখরচেতোবিলাসচম্পু, এবং রূপগোস্বামিলিখিত আনন্দবৃন্দাবনচম্পু, এই কয়েক চম্পুকে কাব্য নামে নির্দেশ করিতে পারা যায় এমন কোন বিশেষ গুণ দেখিতে পাওয়া যায় না ।

### দৃশ্যকাব্য ।

মহাকাব্য প্রভৃতি কেবল শ্রবণ করা যায়, এই নিমিত্ত তাহাদিগকে শ্রব্যকাব্য বলে । নাটকের, শ্রব্যকাব্যের ন্যায়, শ্রবণ হয় ; অধিকন্তু, রঙ্গভূমিতে নট দ্বারা অভিনয়-কালে, দর্শনও হইয়া থাকে । এবং ইহাই নাটকের প্রধান উদ্দেশ্য । এই নিমিত্ত নাটকের নাম দৃশ্যকাব্য । দৃশ্যকাব্য দ্বিবিধ ; রূপক ও উপরূপক । রূপক নাটক, প্রকরণ প্রভৃতি দশবিধ । উপরূপক নাটিকা, ত্রোটক প্রভৃতি অষ্টাদশবিধ । আলঙ্কারিকেরা দৃশ্যকাব্যের এই যে অষ্টাবিংশতি বিভাগ নির্দেশ করিয়াছেন, তাহাদের বিশেষভেদগ্রাহক তাদৃশ কোন লক্ষণ নাই । সর্বপ্রধান ভেদ নাটকের যে সমস্ত লক্ষণ নিকপিত আছে, দৃশ্যকাব্যের অন্যান্য ভেদও সেই সমুদায় লক্ষণে আক্রান্ত । আলঙ্কারিকেরা অন্যান্য ভেদের, অঙ্গসম্বন্ধ্যার ন্যূনাধিক্য প্রভৃতি, যে কয়েকটি বিশেষ লক্ষণ নিকপণ করিয়াছেন,



তাহা এমন সামান্য যে সেই অনুরোধে, দৃশ্যকাব্যের অষ্টা-  
বিংশতি বিভাগ কল্পনা না করিয়া, যাবতীয় দৃশ্যকাব্যকে  
কেবল নাটক নামে নির্দেশ করিলেই চায়াগুণত হইত।

প্রত্যেক নাটকের প্রারম্ভে সূত্রধার, অর্থাৎ প্রধান  
নট, স্বীয় পত্নী অথবা অন্য দুই এক সহচরের সহিত রঙ্গ-  
ভূমিতে প্রবিষ্ট হইয়া, কবির ও নাটকের নান নির্দেশ  
করে এবং প্রসঙ্গক্রমে নাটকীয় ইতিবৃত্ত অবতীর্ণ করিয়া  
দেয়। এই অংশকে প্রস্তাবনা কহে। যে স্থলে ইতি-  
বৃত্তের স্থূল স্থূল অংশের একপ্রকার শেষ হয়, সেই সেই  
স্থলে পরিচ্ছেদ কল্পিত হইয়া থাকে। ঐ পরিচ্ছেদের  
নাম অঙ্ক। নাটকে এক অবধি দশ পর্য্যন্ত অঙ্কসংখ্যা  
দেখিতে পাওয়া যায়। নাটক আদ্যোপান্ত গদ্যে রচিত,  
কেবল মধ্যে মধ্যে শ্লোক থাকে। আদি অবধি অন্ত পর্য্যন্ত  
এক ভাষায় রচিত নহে, ব্যক্তিবিশেষের বক্তব্য ভাষাবি-  
শেষে সঙ্কলিত হইয়া থাকে। রাজা, মন্ত্রী, ঋষি, পণ্ডিত,  
নাটক প্রভৃতি প্রধান পুরুষেরা সংস্কৃতভাষী ; স্ত্রী, বালক  
ও অপ্রধান পুরুষদিগের ভাষা প্রাকৃত। প্রাকৃত সংস্কৃতের  
অপভ্রংশ। আলঙ্কারিকেরা এই অপভ্রংশের, কিঞ্চিৎ  
কিঞ্চিৎ বৈলক্ষণ্যনিবন্ধন, সপ্তদশ ভেদ কল্পনা করিয়াছেন।  
স্ত্রীলোকের মধ্যে পণ্ডিতা তপস্বিনীরা সংস্কৃতভাষিণী।  
অশুভ ঘটনা দ্বারা সংস্কৃত নাটকের উপসংহার করিতে  
নাই। সংস্কৃত ভাষায় আদিরস, বীররস ও করুণরস  
প্রধান নাটক অনেক।

মহাকাব্য, খণ্ডকাব্য ও কোষকাব্যের ন্যায়, সংস্কৃত ভাষায় নাটকও অনেক আছে। কালিদাস প্রভৃতি প্রধান কবিগণ এই ভাষায় নাটক রচনা করিয়া গিয়াছেন। এক সময়ে এই ভারতবর্ষে রঙ্গভূমিতে সংস্কৃত নাটকের অভিনয় হইত।

ভারতবর্ষীয় পণ্ডিতেরা ভরতমুনিকে সংস্কৃত নাট্যশাস্ত্রের সৃষ্টিকর্তা বলিয়া নির্দেশ করিয়া থাকেন। তাঁহারা ইহাও কহেন, এই ভরতমুনি অঙ্গরাদিগের নাট্যব্যাপারের উপদেষ্টা। অঙ্গরারা, ইহার নিকট উপদীষ্ট হইয়া, দেবরাজ ইন্দ্রের সভায়, নাটকের অভিনয় করিয়া থাকে। একপ নাট্যাচার্য্য যে কোন কালেই বিদ্যমান ছিলেন না, এ বিষয়ে সংশয় হইতে পারে না। কিন্তু, সংস্কৃত আলঙ্কারিকেরা স্ব স্ব গ্রন্থে মধ্যো মধ্যে ভরতমূত্র বলিয়া প্রমাণ উদ্ধৃত করিয়া থাকেন। তাহাতে ইহাই প্রতীয়মান হইতেছে, নাটকরচনা বিষয়ে সংস্কৃত ভাষায় এক অতি প্রাচীন গ্রন্থ ছিল; ভারতবর্ষীয় পণ্ডিতেরা, অবিসংবাদিত প্রামাণ্য সংস্থাপনার্থে, ঐ গ্রন্থ ঋষিপ্রণীত বলিয়া নির্দেশ করিয়াছেন।

কেবল এই বিষয়েই নহে, অল্লাম বিদ্যাবিশয়েও এই প্রথা লক্ষিত হইতেছে। সর্দাপেক্ষা প্রাচীন ব্যাকরণ পাণিনিমুনিপ্রণীত বলিয়া প্রচলিত। ঐ ব্যাকরণের বার্ত্তিক কাত্যায়ন মুনির রচিত, ভাষ্য পতঞ্জলিমুনিপ্রণীত। যে সর্পরাজ অনন্তদেব, পুরাণমতানুসারে, সমাগরা সঙ্গীপা

পৃথিবী ফণমণ্ডলোপরি ধারণ করিয়া আছেন, পতঞ্জলি তাঁহার অবতার । সর্পের অবতার মুনির রচিত বলিয়া, ঐ ভাষ্য ফণিভাষ্য নামে প্রসিদ্ধ । যাবতীয় পুরাণ মহর্ষি-বাসরচিত বলিয়া প্রচলিত । ধর্ম্মশাস্ত্র সকল মনু, অত্রি, হারীত, যাজ্ঞবল্ক্য প্রভৃতি এক এক মুনির রচিত বলিয় প্রসিদ্ধ । সাঙ্খ্য ও পাতঞ্জল, ন্যায় ও বৈশেষিক, বেদান্ত ও মীমাংসা এই ছয় দর্শন কপিল ও পতঞ্জলি, গোতম ও কণাদ, ব্যাস ও জৈমিনি এই ছয় মুনির নামে প্রচলিত । তন্ত্র সকল যে ইদানীন্তন কালের রচিত গ্রন্থ, তাহার কোন সংশয় নাই—এত ইদানীন্তন, যে কোন কোন তন্ত্রে ইয়ুরোপীয় লোক ও লণ্ডননগরেরও নির্দেশ দেখিতে পাওয়া যায় (১৩) । এই সকল তন্ত্র শিবপ্রোক্ত বলিয়া প্রচলিত । বেদ সকল সৃষ্টিকর্তার নিজের রচিত বলিয়া প্রসিদ্ধ । এই রূপে, নব্য কাব্য ও সংগ্রহ গ্রন্থ ভিন্ন, প্রায় সমুদায় সংস্কৃত শাস্ত্রই এক এক মুনির অথবা দেবতার প্রণীত বলিয়া পরিগণিত হইয়া থাকে ।

---

(১২) দুর্জান্নায়ে নবহতং ঘটয়ীতি: প্রকীৰ্ত্তিতা: ।

ক্ষিরকুমাঘয়া তন্মাস্তেদাং সংসাধনান্নুবি ।

অধিপা মহত্বলানান্নু সংযামিষ্পরাজিতা: ।

দ্বংরেজা নব ঘট্ পদ্ম লম্বজান্নাদি ভাবিন: ॥

মেরুতন্ত্র । ২৩ প্রকাশ ।

## অভিজ্ঞানশকুন্তল, বিক্রমোর্কশী, মালবিকাধিমিত্র ।

সংস্কৃত ভাষায় যত নাটক আছে, শকুন্তলা সেই সকল অপেক্ষা সর্বাংশে উৎকৃষ্ট, তাহার সন্দেহ নাই। এই অপূর্ব নাটকের, আদি অবধি অন্ত পর্য্যন্ত, সর্বাংশই সর্বাঙ্গসুন্দর। যদি শত বার পাঠ কর, শত বারই অপূর্ব বোধ হইবে। এই নাটক সাত অঙ্কে বিভক্ত। ইহাতে দুঃস্বপ্ন ও শকুন্তলার বৃত্তান্ত বর্ণিত হইয়াছে। প্রথম অঙ্কে দুঃস্বপ্ন ও শকুন্তলার সাক্ষাৎকার, তৃতীয় অঙ্কে উভয়ের মিলন, চতুর্থে শকুন্তলার প্রস্থান, পঞ্চমে শকুন্তলার দুঃস্বপ্ন-সমীপগমন ও প্রত্যাখ্যান, ষষ্ঠে রাজার বিরহ, সপ্তমে শকুন্তলার সহিত পুনর্নির্মিলন; এই সকল স্থলে কালিদাস স্বীয় অলৌকিক কবিত্বশক্তির একশেষ প্রদর্শন করিয়াছেন। উত্তম সংস্কৃতজ্ঞ সহৃদয় ব্যক্তি ঐ সকল স্থল পাঠ করিলে, অবশ্যই তাঁহার অন্তঃকরণে এই দৃঢ় প্রতীতি জন্মিবেক যে মনুষ্যের ক্ষমতায় ইহা অপেক্ষা উৎকৃষ্ট রচনা সম্ভবিত্তে পারে না। বস্তুতঃ, কালিদাসের অভিজ্ঞানশকুন্তল অপূর্ব পদার্থ।

ভারতবর্ষীয়েরাই যে, স্বদেশীয় কাব্য বলিয়া, শকুন্তলার এত প্রশংসা করেন এমন নহে; দেশান্তরীয় পণ্ডিতেরাও শকুন্তলার এইকপ, অথবা ইহা অপেক্ষা অধিক, প্রশংসা করিয়াছেন। নানাবিদ্যাবিশারদ, অশেষদেশভাষাজ্ঞ, সুবিখ্যাত মর্-উইলিয়ম্ জোন্স, শকুন্তলা পাঠ করিয়া এমন

প্রীত হইয়াছিলেন যে কালিদাসকে স্বদেশীয় অদ্বিতীয় কবি শ্ৰেষ্ঠপিয়রের তুল্য বলিয়া নির্দেশ করিয়াছেন ; এবং জার্মানদেশীয় অতি প্রধান গণিত ও অতি প্রধান কবি, গেটি, শকুন্তলার সর্ উইলিয়ম্ জোন্সকৃত ইঙ্গরেজী অনুবাদে ফর্ড্‌রকৃত জার্মান অনুবাদ পাঠ করিয়া লিখিয়াছেন, “যদি কেহ বসন্তের পুষ্প ও শরদের ফল লাভের অভিলাষ করে, যদি কেহ চিত্তের আকর্ষণ ও বশীকরণকারী বস্তুর অভিলাষ করে, যদি কেহ প্রীতিজনক ও প্রফুল্লকর বস্তুর অভিলাষ করে, যদি কেহ স্বর্গ ও পৃথিবী এই দুই এক নামে সমাবেশিত করিবার অভিলাষ করে ; তাহা হইলে, হে অভিজ্ঞানশকুন্তল ! আমি তোমার নাম নির্দেশ করি ; এবং তাহা হইলেই সকল বলা হইল ” । যদি বিদেশীয় লোক, অনুবাদের অনুবাদ পাঠ করিয়া, এত প্রীত ও চমৎকৃত হইতে পারেন, তবে স্বদেশীয়েরা যে, সেই বিষয় মূল পুস্তকে পাঠ করিয়া, কত প্রীত ও কত চমৎকৃত হইবেন, তাহা সকলেই অনুভব করিতে পারেন ।

বিক্রমোর্কশী পাঁচ অঙ্কে বিভক্ত । এই নাটকে পুন্‌রবাঃ ও উর্কশীর বৃত্তান্ত বর্ণিত হইয়াছে । বিক্রমোর্কশীর আদ্যোপান্ত শকুন্তলার ছায় সর্বাঙ্গসুন্দর নহে । কিন্তু, চতুর্থ অঙ্কে, উর্কশীর বিরহে একান্ত অধীর ও বিচেতন হইয়া, পুন্‌রবাঃ তদীয় অন্বেষণার্থে বনে বনে ভ্রমণ করিতেছেন, এই বিষয়ের যে বর্ণন আছে, তাহা অত্যন্ত মনোহর—এমন মনোহর, যে কোন দেশীয় কোন কবি তদপেক্ষা অধিক

মনোহর বর্ণনা করিতে পারেন না, এ কথা বলিলে নিতান্ত অসঙ্গত হইবেক না।

কালিদাসের তৃতীয় নাটক মালবিকাগ্নিমিত্র। মালবিকাগ্নিমিত্র উত্তম নাটক বটে, কিন্তু শকুন্তলা ও বিক্রমোর্কশী অপেক্ষা অনেক ন্যূন। এই নাটক পাঁচ অঙ্কে বিভক্ত। ইহাতে মালবিকা ও অগ্নিমিত্র রাজার উপাখ্যান বর্ণিত হইয়াছে। বোধ হয়, কালিদাস সর্বপ্রথম এই নাটক রচনা করিয়াছিলেন।

### বীরচরিত, উত্তরচরিত, মালতীমাধব।

এই তিন নাটক ভবভূতিপ্রণীত। ভবভূতি এক জন অতিপ্রধান কবি ছিলেন। কবিত্বশক্তি অমূল্যে গণনা করিতে হইলে, কালিদাসের অব্যবহিত পরেই ভবভূতির নাম নির্দেশ হওয়া উচিত। ভবভূতির রচনা হৃদয়গ্রাহিণী ও অতিচমৎকারিণী। সংস্কৃতভাষায় যত নাটক আছে, ভবভূতিপ্রণীত নাটকত্রয়ের রচনা সেই সর্বাপেক্ষা সমধিক প্রগাঢ়। ইনি অন্যান্য কবিদিগের ন্যায় মধুর ও কোমল রচনাতে বিলক্ষণ প্রবীণ ছিলেন; অধিকন্তু, ইহার নাটকে মধ্য মধ্য অর্থের বেকপ গাস্তীর্ঘ্য দেখিতে পাওয়া যায়, অন্যান্য কবির নাটকে প্রায় সেকপ দেখিতে পাওয়া যায় না। ভবভূতির বিশেষ প্রশংসা এই যে, অন্যান্য

কবিরা অনাবশ্যক ও অযুক্ত স্থলেও আদিরস অব-  
তীর্ণ করিয়াছেন। কিন্তু ইনি সে বিষয়ে অত্যন্ত  
সাবধান। অনাবশ্যক স্থলে কোন ক্রমেই স্থায়ী রচনাকে  
আদিরসে দূষিত করেন নাই, আবশ্যক স্থলেও অত্যন্ত সাব-  
ধান হইয়াছেন। ইহার যেমন বিশেষ গুণ আছে,  
তেমনই কয়েকটি বিশেষ দোষও আছে। রচনার দোষে  
স্থানের স্থানের অর্থবোধ হওয়া দুর্ঘট ; এবং মধ্যে মধ্যে  
সংস্কৃত ও প্রাকৃত ভাষাতে এমন দীর্ঘসমাসঘটিত  
রচনা আছে যে তাহাতে অর্থবোধ ও রসাস্বাদ বিষয়ে  
বিলক্ষণ ব্যাঘাত জন্মিয়া উঠে। নাটকের কথোপকথনস্থলে  
সেক্ষেপ দীর্ঘসমাসঘটিত রচনা অত্যন্ত দুষ্ট।

বীরচরিতে রামের বিবাহ অবধি রাবণবধানন্তর অযোধ্যা  
প্রত্যাগমন ও রাজ্যাভিষেক পর্য্যন্ত বর্ণিত হইয়াছে।  
ইহা বীররসাস্রিত নাটক। বীরচরিতে ভবভূতির কবিত্ব-  
শক্তি বিলক্ষণ প্রদর্শিত হইয়াছে ; কিন্তু যে সমস্ত গুণ  
ধাকিলে নাটক প্রশংসনীয় হয়, তৎ সমুদায় তাদৃশ অধিক  
নাই। তথাপি, রামচরিতের এই অংশ লইয়া অন্যান্য  
কবিরা যে সকল নাটক রচনা করিয়াছেন, বীরচরিত সেই  
সর্ক্সাপেক্ষা সর্ক্সাংশে উত্তম, তাহার সন্দেহ নাই।

উত্তরচরিতে বীরচরিতবর্ণিতাবশিষ্ট রামচরিত বর্ণিত  
হইয়াছে। উত্তরচরিত ভবভূতির সর্ক্সপ্রধান নাটক।  
এই নাটক করুণারসাস্রিত। বর্ণনা সকল কারুণ্য, মাধুর্য্য  
ও অর্থের গাস্তীর্ঘ্যে পরিপূর্ণ। রচনা মধুর, ললিত ও

প্রগাঢ়। ফলতঃ, শকুন্তলা আদিরস বিষয়ে যেমন সর্বোৎকৃষ্ট নাটক, উত্তরচরিত করুণরসবিষয়ে সেইরূপ। এই নাটক পাঠ করিলে মোহিত হইতে ও মুহুমূহঃ অশ্রুপাত করিতে হয়।

মালতীমাধব আদিরসাস্রিত নাটক। ভবভূতি এই নাটকে আপন অসাধারণ রচনাশক্তি ও অসাধারণ কবিত্ব-শক্তির একশেষ প্রদর্শন করিয়াছেন; এবং প্রস্তাবনাতে গর্জিত বাক্যে কহিয়াছেন, “যাহারা আমার এই নাটকে অবজ্ঞা প্রদর্শন করে, তাহারাই তাহার কারণ জানে, তাহাদের নিমিত্ত আমার এ যত্ন নয়; আমার কাব্যের ভাব-গ্রহণসমর্থ কোন ব্যক্তি এই অসীম ভূমণ্ডলের কোন স্থানে থাকিতে পারেন, অথবা কোন কালে উৎপন্ন হইতে পারেন” (১৪)। কিন্তু ভবভূতি অসাধারণ উৎকর্ষ সম্পাদনার্থে যেকপ প্রয়াস পাইয়াছিলেন, এবং প্রস্তাবনাতে যেকপ অসদৃশ অহঙ্কার প্রদর্শন করিয়াছেন, মালতীমাধব তত উত্তম নাটক হয় নাই। ইহাতে রচনার চাতুর্য্য ও মাধুর্য্য আছে এবং অর্থেরও অসাধারণ গাভীর্য্য আছে, যথার্থ বটে; কিন্তু কালিদাস ও ক্রীষ্ণদেব ছদ্মাস্ত ও শকুন্তলার, বৎসরাজ ও রত্নাবলীর উপাখ্যান যেকপ মনো-

(১৪) वे नाम केचिद्विदुः नः प्रथयन्त्यवद्यां  
आनन्ति ते किमपि तान् प्रति नैव बलः ।  
तत्प्रत्यतेऽस्ति मम कोटिपि समानधर्मा  
काली ह्ययं निरवधिर्विपुला च पृथ्वी ॥



হর করিয়া বর্ণন করিয়াছেন, মালতী ও মাধবের বৃত্তান্ত ভবভূতি সেকপ মনোহর করিতে পারেন নাই। বিশেষতঃ, অর্থবোধের কষ্ট ও অতিদীর্ঘ সমাস প্রভৃতি ভবভূতির যে সমস্ত দোষ আছে, তৎসমুদায় মালতীমাধবেই ভূরি পরিমাণে উপলব্ধ হয়। আমরা, মালতীমাধব পাঠ করিয়া, ভবভূতির অসাধারণ কবিত্বশক্তি ও অসাধারণ রচনাশক্তির প্রশংসা করিতে প্রস্তুত আছি; কিন্তু মালতীমাধবকে অত্যাৎকৃষ্ট নাটক বলিয়া অঙ্গীকার করিতে কোন ক্রমেই সম্মত নহি। ভবভূতি যত অহঙ্কার করুন না কেন, তাঁহার মালতীমাধব কালিদাসের শকুন্তলা, জীহ্বদেবের রত্নাবলী এবং তাঁহার নিজের উত্তরচরিত অপেক্ষা অনেক অংশে হীন। ভবভূতি স্বপ্রণীত নাটকত্রয়ের মধ্যে, বোধ হয়, মালতীমাধবকেই সর্বোৎকৃষ্ট স্থির করিয়াছিলেন। কিন্তু পাঠকবর্গের বিবেচনা যেকপ পক্ষপাতশূন্য হয়, গ্রন্থকর্তাদের নিজের বিবেচনা সর্বদা সেকপ হইয়া উঠে না। বোধ হয়, মহাদয় পাঠকমাত্রেই উত্তরচরিতকে ভবভূতির সর্বোৎকৃষ্ট নাটক জ্ঞান করিয়া থাকেন।

### রত্নাবলী ও নাগানন্দ।

রত্নাবলী এক অত্যাৎকৃষ্ট নাটক—এমন উৎকৃষ্ট যে অনেকে রত্নাবলীকে বাবতীয় নাটক অপেক্ষা সমধিক মনো-

ইর জ্ঞান করিয়া থাকেন। সে যাহা হউক, উৎকর্ষ অনু-  
সারে পৌরোপাধ্যাক্রমে গণনা করিতে হইলে, শকুন্তলা ও  
উত্তরচরিতের পরে রত্নাবলীর নাম নির্দেশ হওয়া উচিত।  
রত্নাবলী চারি অঙ্কে বিভক্ত। এই নাটকে বৎসরাজ ও  
মাগরিকার বৃন্তাস্ত বর্ণিত হইয়াছে। রাজদর্শনানন্তর মাগ-  
রিকার বিরহ, মাগরিকার সহিত অকস্মাৎ রাজার সাক্ষাৎ-  
কার, ও রাজমহিষী বাসবদত্তার বেশে মাগরিকার রাজ-  
সমাগম, দ্বিতীয় ও তৃতীয় অঙ্কে এই সকল বিষয়  
বর্ণনাকালে, কবি যেকপ কৌশল ও যেকপ কবিত্ব প্রদর্শন  
করিয়াছেন, বোধ হয়, শকুন্তলা ও উত্তরচরিত ভিন্ন প্রায়  
আর কোন নাটকেই সেকপ দেখিতে পাওয়া যায় না।  
নাগানন্দও উত্তম নাটক বটে, কিন্তু রত্নাবলী অপেক্ষা  
অনেক নূন।

রত্নাবলী ও নাগানন্দ ক্রীহর্ষদেবপ্রণীত। ক্রীহর্ষদেব  
কশ্মীরের রাজা ছিলেন। কল্লণরাজতরঙ্গিণীর সপ্তম তরঙ্গে  
ক্রীহর্ষদেবের বৃন্তাস্ত বর্ণিত আছে। রাজতরঙ্গিণীতে রত্না-  
বলী ও নাগানন্দের উল্লেখ নাই, কিন্তু একপ লিখিত আছে,  
ক্রীহর্ষদেব অশেষদেশভাষাজ্ঞ, সর্ব ভাষায় সংকবি ও  
সমস্ত বিদ্যার আধার ছিলেন (১৫)। রত্নাবলী ও নাগা-  
নন্দের প্রস্তাবনাতে রাজক্রীহর্ষদেবপ্রণীত বলিয়া নির্দেশ

(১৫) সৌম্যদেহমাদান্নঃ সর্বভাষাষু সত্কাবিঃ।

জত্বদ্বিদ্ভানিধিঃ প্রাপ্ত্যতিং দেহান্নবৈদ্যমি ॥ ৬১১।

আছে, এবং রাজতরঙ্গিণীতেও রাজা শ্রীহর্ষদেব সংকবি বলিয়া লিখিত আছে ; সুতরাং, রাজতরঙ্গিণীর শ্রীহর্ষদেব যে রত্নাবলী ও নাগানন্দের রচয়িতা, এ বিষয়ে সংশয় হইতে পারে না। বিশেষতঃ, আর কোন গ্রন্থে আর কোন রাজা শ্রীহর্ষদেবের উল্লেখ দেখিতে পাওয়া যায় না। শ্রীহর্ষদেব, কিঞ্চিদধিক আট শত বৎসর পূর্বে, কশ্মীরের সিংহাসনে আরোহণ করিয়াছিলেন। তদনুসারে, রত্নাবলী ও নাগানন্দ আট শত বৎসরের পুস্তক।

একপ প্রবাদ আছে, ধাবক নামে এক কবি রত্নাবলী ও নাগানন্দ রচনা করেন ; শ্রীহর্ষদেব, অর্থ প্রদান দ্বারা ধাবককে সম্মত ও সন্তুষ্ট করিয়া, ঐ দুই নাটক আপন নামে প্রচলিত করিয়াছেন। প্রসিদ্ধ প্রধান আলঙ্কারিক মম্মটভট্টের লিখনদ্বারাও এইকপ প্রতিপন্ন হইয়া থাকে (১৬)। কিন্তু ধাবক ও শ্রীহর্ষদেবে সহস্র বৎসরেরও অধিক অন্তর। উভয়ে এক সময়ের লোক নহেন। কালিদাসের মালবিকাগ্নিমিত্রের প্রস্তাবনাতে, প্রাচীন নাটকলেখক বলিয়া, ধাবকের নামোল্লেখ আছে (১৭)। তদনুসারে ধাবক বিক্রমাদিত্যের সময়েরও পূর্বে প্রাদুর্ভূত হইয়াছিলেন। সুতরাং, ঐ লোকপ্রবাদ ও তন্মূলক মম্মটের

(১৬) শ্রীহর্ষদেবধাবকাदीनामिव धनम्। काव्यप्रकाश।

(১৭) पश्चित्तयमर्षा धावकसौमिल्लकविपुलादीनां  
प्रबन्धानतिक्रम्य वर्त्तमानकविः कालिदासस्य  
जतौ किं जतौ बल्लमानः।

সিদ্ধান্ত অমূলক বোধ হইতেছে। আর, যখন গ্রীহর্ষ-  
দেবের সংকবিত্ত্ব ও অশেষবিদ্যাশালিত্ব প্রামাণিক পুরাবৃত্ত  
গ্রন্থ দ্বারা প্রতিপন্ন হইতেছে, তখন, অমূলক লোকপ্রবাদ  
ও তন্মূলক মন্ত্যুটের লিখন রক্ষার্থে, ধাবকাস্তুর কল্পনা  
করিয়া, গ্রীহর্ষদেবের কবিকীর্ত্তি লোপ করা কোন ক্রমেই  
ন্যায়াযুগত বোধ হইতেছে না।

### শৃঙ্খকটিক।

শৃঙ্খকটিকের রচনা ও বর্ণনা দেখিলে স্পষ্ট বোধ হয়,  
ইহা অতি প্রাচীন গ্রন্থ। বোধ হয়, সংস্কৃত ভাষায় এক্ষণে  
যত নাটক আছে, শৃঙ্খকটিক সর্বাধিক প্রাচীন। গ্রন্থ-  
কর্ত্তার নাম শৃঙ্খক। শৃঙ্খক বিক্রমাদিত্যের পূর্বে ভূমণ্ডলে  
প্রাচুর্ভূত হইয়াছিলেন (১৮)। শৃঙ্খকটিকলেখক সংকবি

(১৮) ত্রিষু বর্ষসহস্রেণু কথোবাঁতেদু পাদ্বিব।

ত্রিযতে চ দশন্যুনে দ্বাষ্ট্যাং ভবি ভবিষ্যতি ॥

শূদ্রকো নাম বীরাণ্যামধিপঃ সিদ্ধসত্তমঃ।

নৃপান্ সর্জান্ পাপরূপান্ বর্জিতান্ যো হনিষ্যতি ॥

অর্জিতায়াং সমারাম্য লক্ষ্যতে ভূমরাপহঃ।

ততস্ত্রিষু সহস্রেণু দশাধিকশতাব্দে ॥

ভবিষ্যৎ নন্দরাজ্যস্ত্র আয়ক্যো যান্ হনিষ্যতি।

যুক্ততীর্থ্যে সজ্ঞপাণিনির্মুক্তি যোঃভিলষ্যতে ॥

ততস্ত্রিষু সহস্রেণু সহস্রাধ্যধিকেষু চ।

ভবিষ্যো বিক্রমাদিত্যো রাজ্যং সৌঃল প্রলক্ষ্যতে ॥

কুমারিকাখণ্ড যুগব্যবহাখ্যায়।

ও সংস্কৃত রচনায় অতিপ্রবীণ ছিলেন। এই নাটকের স্থানে স্থানে অতি উৎকৃষ্ট বর্ণনা আছে ; শ্লোক সকল অতিসুন্দর ; আদ্যোপান্তের রচনা অতি প্রাজ্ঞ। সমুদায় পর্যালোচনা করিলে, মৃচ্ছকটিক অতি উত্তম কাব্য বটে ; কিন্তু সৰ্ব্বাংশে প্রশংসনীয় নাটক বলিয়া গণনীয় হইতে পারে না। ইহা অবশ্যই স্বীকার করিতে হইবেক, মৃচ্ছকটিক নাটক্যাংশে শকুন্তলা, উত্তরচরিত ও রত্নাবলী অপেক্ষা অনেক স্থান।

প্রস্তাবনাতে মৃচ্ছকটিক শূদ্রকপ্রণীত বলিয়া নির্দেশ আছে। কিন্তু, প্রস্তাবনার সমুদায় অংশ বিবেচনা করিলে, শূদ্রকরাজার গ্রন্থকর্তৃত্ব বিষয়ে নানা সংশয় উপস্থিত হয়। প্রস্তাবনাতে লিখিত আছে, “গজেন্দ্রগমন, চকোর-নয়ন, পূর্ণচন্দ্রবদন, সুষটিতকলেবর, অগাধবুদ্ধিশালী শূদ্রক-নামে প্রসিদ্ধ কবি ছিলেন” (১৯)। “শূদ্রক স্বীয় পুত্রকে সিংহাসনাধিষ্ঠিত দেখিয়া, মহাসমারোহে অশ্বমেধ যজ্ঞ করিয়া, এবং এক শত বৎসর দশ দিবস আয়ুঃ লাভ করিয়া, অগ্নিপ্রবেশ করিয়াছেন” (২০)। শূদ্রক রাজা, কবি ও অগাধবুদ্ধিশালী হইয়া, গজেন্দ্রগমন, চকোর-নয়ন, পূর্ণচন্দ্রবদন, সুষটিতকলেবর ইত্যাদি বিশেষণ

(১৮) যতন্ কবিঃ কিল

দ্বিরদেন্দ্রগতিস্বকীরনেলঃ পরিপূর্যেন্দুসুখঃ সুবিম্বহস্ব ।

দ্বিজমুখ্যতমঃ কবির্ভূব প্রথিতঃ শূদ্রকঃ সত্যনাথমতঃ ॥

(২০) রাজানং বীক্ষ্য পুত্রং পরমমমুদয়েনাস্বমেধেন চেদ্বা

লগ্ন্বা আয়ুঃ যতান্দং দমদিনমহিতং শূদ্রকীর্ত্তিঃ প্রবিষ্টঃ ॥

দ্বারা আপন গ্রন্থে আপনার বর্ণন করিবেন, সম্ভব বোধ হয় না। বিশেষতঃ, এক শত বৎসর দশ দিবস আয়ুঃ লাভ করিয়া, অগ্নিপ্রবেশ দ্বারা স্বীয় প্রাণত্যাগের বিষয় স্বগ্রন্থে নির্দেশ করা কোন ক্রমেই সংলগ্ন হইতে পারে না। ইহাতে, অনায়াসে একপ অমুমান করা যাইতে পারে, মৃচ্ছকটিক শূদ্রকরাজার প্রণীত নহে, অথবা, প্রস্তাবনাংশ শূদ্রকের মৃত্যুর পর অন্য দ্বারা রচিত ও মৃচ্ছকটিকে যোজিত হইয়াছে। কিন্তু, প্রস্তাবনার ও নাটকের রচনার একপ সৌসাদৃশ্য যে এই দুই বিষয় বিভিন্ন লেখনীর মুখ হইতে বিনির্গত, একপ প্রতীতি হওয়া দুর্ঘট। বিশেষতঃ, প্রস্তাবনা গ্রন্থকর্তা তিন্ন অন্য ব্যক্তি দ্বারা লিখিত হয়, একপ ব্যবহার অদৃষ্টচর ও অশ্রুতপূর্ব্ব। সংস্কৃত নাটকের প্রস্তাবনা নাটকের অবয়ব স্বরূপ, তাহা অন্য ব্যক্তি দ্বারা সম্বলিত হওয়া কোন ক্রমেই সম্ভব বোধ হয় না।

### মুদ্রারাক্ষস।

মুদ্রারাক্ষস বিশাখদেব প্রণীত। প্রস্তাবনার নির্দিষ্ট আছে, বিশাখদেব রাজার পুত্র। বিশাখ সংকবি ও সংস্কৃত-রচনা বিষয়ে অতি প্রবীণ ছিলেন। কিন্তু তাঁহার রচনা সম্যক্ প্রাঞ্জল ও ললিত নহে। যাহা হউক, মুদ্রারাক্ষস এক অতুস্তম নাটক। চাণক্য, নন্দবংশকে রাজ্যচ্যুত করিয়া,

চন্দ্রগুপ্তকে পাটলিপুত্রের সিংহাসনে নিবিষ্ট করেন। কিন্তু রাজ্যভ্রষ্ট নন্দবংশের অমাত্য রাক্ষস অত্যন্ত প্রভুপরাগ ও নীতিবিদ্যায় অদ্বিতীয় ছিলেন। তিনি চন্দ্রগুপ্তের প্রতিপক্ষ থাকিলে, তদীয় সিংহাসন বন্ধমূল হয় না; এই নিমিত্ত চাণক্য, স্বীয় অসাধারণ কৌশলে ও নীতিপ্রভাবে, রাক্ষসকে চন্দ্রগুপ্তের প্রধানামাত্যপদ স্বীকার করান। এই বিষয় মুদ্রারাক্ষসে অতি সুন্দর রূপে বর্ণিত হইয়াছে।

### বেণীসংহার।

বেণীসংহার ভট্টনারায়ণপ্রণীত। একপ কিংবদন্তী আছে, আদিশূর রাজা কান্যকুব্জ হইতে গৌড়দেশে যে পঞ্চ ব্রাহ্মণ আনয়ন করেন, ভট্টনারায়ণ তাঁহাদের মধ্যে এক জন। এই নাটক নাটকের প্রায় সমুদায়লক্ষণাক্রান্ত। সাহিত্যদর্পণের নাটকপরিচ্ছেদে, নাটকসংক্রান্ত বিষয়ের উদাহরণ প্রদর্শনার্থ, বেণীসংহার হইতে যত উদ্ধৃত হইয়াছে, অন্য কোন নাটক হইতে তত নহে। কিন্তু ভট্টনারায়ণের রচনা প্রাচীন কবিদিগের রচনার স্থায় মনোহারিণী নহে। রচনার স্থানতা প্রযুক্তই বেণীসংহার, নাটকের সমুদায়লক্ষণাক্রান্ত হইয়াও, কাব্যংশে শকুন্তলা, উত্তরচরিত, রত্নাবলী, মৃচ্ছকটিক, মুদ্রারাক্ষস প্রভৃতি অপেক্ষা অনেক স্থান। বেণীসংহার বীররসাম্বিত নাটক।

ইহাতে কুরুপাওবধূদ্ধ বর্ণিত হইয়াছে। স্থানে স্থানে বীর ও করুণ রস সংক্রান্ত উত্তম উত্তম রচনা ও উত্তম উত্তম বর্ণনা আছে।

---

যে সকল নাটকের বিষয় উল্লিখিত হইল, সংস্কৃত ভাষায় তদ্ব্যতিরিক্ত অনেক নাটক আছে; বাহ্যল্যভয়ে এ স্থানে সে সকলের উল্লেখ করা গেল না। সমুদায়ে বিরাশি খানি নাটকের নাম পাওয়া গিয়াছে; তন্মধ্যে তেত্রিশ খানি মাত্র বিদ্যমান বলিয়া বিজ্ঞাত; অবশিষ্ট সকলের দশরূপকে ও সাহিত্যদর্পণের ষষ্ঠ পরিচ্ছেদে উল্লেখ আছে, এবং উদাহরণপ্রদর্শনার্থে অনেকেরই কোন কোন অংশ উদ্ধৃত হইয়াছে। তন্মধ্যে কুন্দমালা, উদাত্তরাঘব, বালরামায়ণ প্রভৃতি কতিপয় নাটকের উদ্ধৃত অংশ দর্শনে বোধ হয়, ঐ সকল নাটক অত্যুৎকৃষ্ট।

---

### উপাখ্যান।

বালকদিগের শিক্ষার্থে মনুষ্য, পশু, পক্ষীর কল্পিত বৃত্তান্তঘটিত যে সকল গ্রন্থ আছে, অথবা গ্রন্থকর্তারা স্বেচ্ছানুসারে নানা লৌকিক ও অলৌকিক বৃত্তান্ত ঘটিত যে সকল গ্রন্থ রচনা করিয়াছেন, ভারতবর্ষীয় পণ্ডিতেরা উহাদিগকে কও কাব্য নামে নির্দেশ করিয়া থাকেন। কি স্ত,



কি কথাযোজনা, কি রচনা, কি বর্ণনা, কোন অংশেই উহার কাব্যনামের অধিকারী নহে। সংস্কৃত উপাখ্যানগ্রন্থ কেবল গদ্য, কেবল পদ্য, ও গদ্য পদ্য উভয়াক্ষক আছে। কিন্তু তাহারা প্রকৃত রূপে কাব্যশ্রেণীতে পরিগণিত হইতে পারে না। এই নিমিত্ত তত্তৎকাব্যস্থলে তাহাদের উল্লেখ করা যায় নাই। উপাখ্যানের মধ্যে যে কয়েক খানি বিশেষ প্রশংসিত, এক্ষণে তাহাদিগের বিষয় সংক্ষেপে উল্লিখিত হইতেছে।

### পঞ্চতন্ত্র ও হিতোপদেশ।

পঞ্চতন্ত্রের রচনাপ্রণালী দৃষ্টে স্পষ্ট বোধ হয়, উহা অতি প্রাচীন গ্রন্থ। প্রাচীন বলিয়া উহার রচনা অত্যন্ত সহজ। একপ সহজ সংস্কৃত গ্রন্থ আর দৃষ্টিগোচর হয় না। পঞ্চতন্ত্রের প্রাচীনত্ব ও তল্লিখনন সহজত্ব ব্যতীত আর কিছুই বিশেষ প্রশংসনীয় নাই। রচনার মাধুর্য্য নাই, কথাযোজনার চাতুর্য্য নাই; অধিকন্তু, মধ্যে মধ্যে বহুতর অসার ও অসংযুক্ত কথা আছে। বোধ হয়, কোন বিশেষ গুণ নাই বলিয়াই, পঞ্চতন্ত্র একান্ত উপেক্ষিত হইয়া আছে; অন্যান্য গ্রন্থের ন্যায় সচরাচর সর্বত্র প্রচলিত নহে। লিপিকরপ্রমাদবশতঃ, পঞ্চতন্ত্রের স্থানের স্থানের পাঠ এমন অপভ্রংশিত হইয়া গিয়াছে যে অর্থবোধ ও তাৎপর্য্যগ্রহ হওয়া দুর্ঘট। পঞ্চতন্ত্রে, বিকুশল বক্তা

রাজপুত্রগণ শ্রোতা এই প্রণালীতে, মনুষ্য, পশু, পক্ষীর  
উপাখ্যানচ্ছলে, নীতি উপদিষ্ট হইয়াছে। ইয়ুরোপীয়  
সংস্কৃতবেত্তারা পঞ্চতন্ত্রকে পারস্য, আরব, ইয়ুরোপ  
প্রভৃতি দেশীয় উপাখ্যানের মূল বলিয়া নিকপণ করিয়াছেন।

হিতোপদেশকর্তা গ্রন্থারম্ভে প্রতিজ্ঞা করিয়াছেন, পঞ্চ-  
তন্ত্রের ও অন্যান্য গ্রন্থের সার সঙ্কলন করিয়া লিখিতে  
আরম্ভ করিলাম (২১)। বাস্তবিক, হিতোপদেশ পঞ্চ-  
তন্ত্রের প্রতিকৃপ স্বরূপ। পঞ্চতন্ত্রের দোষ গুণ অধিকাংশই  
হিতোপদেশে লক্ষিত হয়। বিশেষ এই, পঞ্চতন্ত্র অপেক্ষা  
হিতোপদেশের রচনা কিঞ্চিৎ গাঢ়, এবং, প্রস্তুত বিষয়ের  
বৈশদ্য অথবা দৃঢ়ীকরণ বাসনায়, নানা প্রামাণিক গ্রন্থ  
হইতে প্রমাণ, দৃষ্টান্ত, উদাহরণ স্বরূপ উত্তম উত্তম শ্লোক  
অধিক উদ্ধৃত হইয়াছে। কিন্তু গ্রন্থকর্তার সম্যক্ সঙ্কল্প-  
ভার অসম্ভাব প্রযুক্ত, অনেক স্থলেই উদ্ধৃত শ্লোক সকল  
অসংলগ্ন হইয়া উঠিয়াছে; তত্তৎস্থলে প্রকৃত বিষয়ের  
সহিত সেই সকল শ্লোকের কোন সম্বন্ধ দেখিতে পাওয়া  
যায় না। গ্রন্থকর্তা লিখিয়াছেন উপাখ্যানচ্ছলে বালক-  
দিগকে নীতি উপদেশ দিতেছি (২২)। কিন্তু, মধ্যে মধ্যে  
আদিরসঘটিত এক একটি অতি অশ্লীল উপাখ্যান আছে।  
বালকদিগের নিমিত্ত নীতিপুস্তক লিখিতে আরম্ভ করিগা,

(২১) पञ्चतन्त्रान्तधान्यस्त्राङ्गान्यादात्मन्य लिख्यते।

(২২) ब्रह्मवे मात्मने ज्ञानः संस्कारो नान्यथा भवेत्।  
कथास्तत्रैव बालानां नीतिसादित्वं कथ्यते॥

কি বুঝিয়া গ্রন্থকর্তা ঐ সকল অঙ্গীল উপাখ্যান সঙ্কলন করিলেন, বলিতে পারা যায় না।

কোন ব্যক্তি পঞ্চতন্ত্র ও হিতোপদেশ রচনা করিয়া ছিলেন, তাহার স্থিরতা নাই। অনেকে বিষ্ণুশর্মা কে এই উভয় গ্রন্থের রচয়িতা বলিয়া থাকেন ; কিন্তু তাহার কোন প্রমাণ নাই। পঞ্চতন্ত্রে ও হিতোপদেশে বিষ্ণুশর্মা বক্তা রাজপুত্রগণ শ্রোতা ; বোধ হয়, তদদর্শনেই বিষ্ণুশর্মা গ্রন্থকর্তা বলিয়া তাঁহাদের ভ্রান্তি জন্মিয়া থাকিবেক। এই দুই গ্রন্থ আদ্যোপান্ত গদ্যে রচিত, কেবল মধ্যে মধ্যে গ্রন্থাস্তরের শ্লোক উদ্ধৃত হইয়াছে। লল্লুলাল হিতোপদেশকে নারায়ণপণ্ডিতপ্রণীত বলিয়া নির্দেশ করিয়াছেন (২৩)। কিন্তু, তাহার কোন প্রমাণ পাওয়া যায় না।

### কথাসরিৎসাগর।

কথাসরিৎসাগর সোমদেবতত্ত্বপ্রণীত। উহা অতি বৃহৎ পুস্তক। সোমদেব স্বগ্রন্থের শেষে লিখিয়াছেন, কশ্মীরের অধিপতি অনন্তদেবের মহিষী সূর্য্যবতীর চিত্তবিনোদ সম্পাদনার্থে, আমি এই গ্রন্থ রচনা করিলাম। কল্লণরাজতরঙ্গি-

(২২) काह्म समै श्रीनारायण पंडित ने नीतिशास्त्रानि तै कथानिकौ संग्रह करि संस्कृतमें एक ग्रन्थ बनाय बाकौ नाम हितोपदेश धरौ। राजनीति।

গীর সপ্তম তরঙ্গে অনন্তদেব ও সূর্য্যবতীর বৃত্তান্ত আছে। রাজতরঙ্গিণীর গণনা অনুসারে, অনন্তদেব কিঞ্চিদধিক আট শত বৎসর পূর্বে, কশ্মীরমণ্ডলের সিংহাসনে আকট হইয়াছিলেন। তদনুসারে, সোমদেবের কথাসরিৎসাগর আট শত বৎসরের পুস্তক। এই অনন্তদেব রত্নাবলীকর্ত্তা ত্রিহর্ষদেবের পিতামহ। কথাসরিৎসাগরে যে সমস্ত উপাখ্যান আছে, তাহা তাদৃশ মনোহর নহে। ঐ সমুদায় কেবল অলৌকিক ও অদ্ভুত ব্যাপারে পরিপূর্ণ। অলৌকিক ও অদ্ভুত বৃত্তান্ত ঘটিত উপাখ্যান সকল এক সময়ে সাতিশর মনোহর ছিল; কিন্তু এক্ষণে আর তাহাদের তাদৃশ চমৎকারজনকত্ব নাই। সোমদেবের লিখনানুসারে বোধ হইতেছে, বৃহৎকথা নামে এক বহুবিস্তৃত উপাখ্যান গ্রন্থ ছিল, তিনি তাহার সারসংগ্রহ করিয়াছেন। এই গ্রন্থ আদ্যোপান্ত পদ্যে রচিত।

---

বহুবিস্তৃত সংস্কৃত সাহিত্যে যে সমস্ত প্রধান গ্রন্থ আছে, তাহাদিগের বিষয় সংক্ষেপে উল্লিখিত হইল। সংস্কৃত কবিরাজাদিরস, করুণরস ও শান্তরস সংক্রান্ত যে সকল বর্ণনা করিয়াছেন, তাহা যেকপ মনোহর, তাহাদের হাস্য, বীর, ভয়ানক প্রভৃতি রস সংক্রান্ত বর্ণনা তাদৃশ মনোহর নহে। ফলতঃ, তাহার মধুর ও ললিত বর্ণনাতে যেকপ নিপুণ, উদ্ধত, ওজস্বী ও প্রগাঢ় বর্ণনাতে তদনুরূপ নিপুণ নহেন। নায়ক নায়িকার প্রথমদর্শন, পূর্ব্বরাগ,

মান, বিরহ, প্রবাস, শোক, বৈরাগ্য, উপবন, বসন্ত, লতা, পুষ্প প্রভৃতির বর্ণনা যেকপ হৃদয়গ্রাহিণী; যুদ্ধ, ভয়, পর্কত, সমুদ্র প্রভৃতির বর্ণনা তদনুযায়িনী নহে।

### উপসংহার।

সংস্কৃত ভাষা ও সংস্কৃত সাহিত্যশাস্ত্রের বিষয় সংক্ষেপে উল্লিখিত হইল। অনেকে সংস্কৃত ভাষার অনুশীলন একান্ত অকিঞ্চিৎকর জ্ঞান করিয়া থাকেন। এই নিমিত্ত, সংস্কৃত ভাষার ফলোপধায়কতা বিষয়ে সংক্ষেপে কিঞ্চিৎ বর্ণন করিয়া প্রস্তাব সমাপন করিব।

সংস্কৃতভাষানুশীলনের নানা ফল। ইয়ুরোপে শব্দ-বিদ্যার যে ইয়তী জীবৃদ্ধি হইয়াছে, সংস্কৃত ভাষার অনুশীলন তাহার মূল। ইয়ুরোপীয় পণ্ডিতেরা সংস্কৃত ভাষার অনুশীলন দ্বারা অন্যান্য ভাষার মূলনির্গয়, স্বরূপপরিজ্ঞান ও মর্মোন্মেষে সমর্থ হইয়াছেন; এবং এই পৃথিবী যে নানা মানবজাতির আবাসস্থান, তাহাদিগের কে কোন্ শ্রেণীভুক্ত, কে কোন্ দেশের আদিম নিবাসী লোক, কে কোন্ প্রদেশ হইতে আসিয়া কোন্ প্রদেশে বাস করিয়াছে ইত্যাদি নির্ধারণ করিতে আরম্ভ করিয়াছেন। কিন্তু, ইয়ুরোপীয় শব্দবিদ্যা যাবৎ সংস্কৃত ভাষার সহায়তা প্রাপ্ত হয় নাই, ততদিন পর্য্যন্ত এই সকল বিষয় অন্ধকারে

আচ্ছন্ন ছিল ; এই নিমিত্তই, ডাক্তর মোক্ষ মূলর সংস্কৃত ভাষাকে সকল ভাষার ভাষা বলিয়া নির্দেশ করিয়াছেন ।

দ্বিতীয়তঃ, সংস্কৃতভাষানুশীলনের এক অতি প্রধান ফল এই যে, ইদানীন্তন কালে ভারতবর্ষে হিন্দী, বাঙ্গালা প্রভৃতি যে সকল ভাষা কথোপকথনে ও লৌকিক ব্যবহারে প্রচলিত আছে, সে সমুদায় অতি হীন অবস্থায় রহিয়াছে। ইহা একপ্রকার 'বিধিনির্বন্ধস্বরূপ হইয়া' উঠিয়াছে যে ভূরি পরিমাণে সংস্কৃত কথা লইয়া ঐ সকল ভাষায় সন্নিবেশিত না করিলে তাহাদিগের সমৃদ্ধি ও শ্রীবৃদ্ধি সম্পাদন করা যাইবেক না। কিন্তু, সংস্কৃত ভাষায় সম্পূর্ণরূপ ব্যুৎপত্তি লাভ ব্যতিরেকে তৎসম্পাদন কোন ক্রমেই সম্ভাবিত নহে। ইহা অবশ্যই স্বীকার করিতে হইবেক, ভারতবর্ষীয় সর্বসাধারণ লোকে বিদ্যানুশীলনের ফলভোগী না হইলে, তাহাদিগের চিন্তাক্ষেত্র হইতে চিরপ্রকট কুসংস্কারের সমূলে উন্মূলন হইবেক না ; এবং হিন্দী, বাঙ্গালা প্রভৃতি তত্তৎ প্রদেশের প্রচলিত ভাষাকে দ্বারস্বরূপ না করিলে, সর্বসাধারণের বিদ্যানুশীলন সম্পন্ন হওয়া অসম্ভব। সুতরাং, ইয়ুরোপীয় কোন ভাষা হইতে পুরাবৃত্ত পদার্থ-বিদ্যা প্রভৃতি তত্তৎপ্রচলিত ভাষায় সঙ্কলিত হওয়া অত্যা-বশ্যক। কিন্তু, সংস্কৃত না জানিলে কেবল ইঙ্গরেজী শিখিয়া আমরা যে ঐ মহোপকারক গুরুতর বিষয় সম্পন্ন করিতে পারিব, ইহা কোন ক্রমেই সম্ভাবিত নহে।

তৃতীয়তঃ, পূর্বকালীন লোকদিগের আচার, ব্যবহার,

রীতি, নীতি, ধর্ম, উপাসনা ও বুদ্ধির গতি প্রভৃতি বিষয় সকল মনুষ্যমাত্রের অবশ্যজ্ঞেয়, ইহা, বোধ হয়, সকলেই অঙ্গীকার করিয়া থাকেন। অন্যান্যদেশসংক্রান্ত এই সমস্ত বিষয় তত্ত্বদেশীয় পুরাবৃত্ত গ্রন্থ দ্বারা অবগত হওয়া যায়। সংস্কৃত ভাষায়, রাজতরঙ্গিণী ব্যতিরিক্ত, প্রকৃত পুরাবৃত্ত গ্রন্থ এক খানিও নাই। রাজতরঙ্গিণীতেও এই বহুবিস্তৃত ভারতবর্ষের এক অতি ক্ষুদ্রাংশ কশ্মীরের পুরাবৃত্ত মাত্র সঙ্কলিত আছে। সেই সঙ্কলিত পুরাবৃত্তও সর্বসাধারণ-লোকসংক্রান্ত নহে। কে কোন্ সময়ে সিংহাসনে আরোহণ করিয়াছিলেন, কে কত দিন রাজ্যাশাসন ও প্রজাপালন করিয়াছিলেন, কে কোন্ সময়ে সিংহাসনভ্রষ্ট হইয়াছিলেন, কে কাহাকে সিংহাসনভ্রষ্ট করিয়া স্বীয় ক্ষমতাতে রাজ্যাস্পদ অধিকার করিয়াছিলেন ; এইরূপ, কেবল রাজাদিগের বৃত্তান্তমাত্র সঙ্কলিত হইয়াছে। সুতরাং, প্রকৃত পুরাবৃত্তের নিতান্ত অসম্ভাবস্থলে বেদ, স্মৃতি, দর্শন, পুরাণ, ইতিহাস, সাহিত্যাদি শাস্ত্রের অনুশীলন ব্যতিরেকে, পূর্বকালীন ভারতবর্ষীয়দিগের আচার ব্যবহারাদি পরিজ্ঞানের আর কোন পথ নাই।

চতুর্থতঃ, যাবতীয় সাহিত্যশাস্ত্রের অনুশীলনে যে আমোদ, যে উপকার ও যে উপদেশ লাভ হইয়া থাকে, সংস্কৃত সাহিত্যশাস্ত্র সেই আমোদ, সেই উপকার, ও সেই উপদেশ প্রদানে অসমর্থ নহে।

এই সমস্ত সংস্কৃত ভাষার অনুশীলনসাপেক্ষ।

*The Past life of India*

*Enjoyment in its Cultivation.*

এক্ষণে, এতদ্দেশে যাঁহারা লেখা পড়ার চর্চা করিয়া থাকেন, তাঁহারা যে এইরূপ মহোপকারিণী সংস্কৃত ভাষার অনুশীলনে একান্ত উপেক্ষা করেন, ইহা অল্প আশ্চর্যের বিষয় নহে।

---

সম্পূর্ণ।







This book should be returned to  
the Library on or before the last date  
stamped below.

A fine of five cents a day is incurred  
by retaining it beyond the specified  
time.

Please return promptly.



3 2044 055 011 29C



